

行水金鑑

九十八
十六

ル 5
1174
9



九 5
1174
卷 9



行水金鑑

卷第八十六

中憲大夫分巡淮揚等處地方兼理漕務海防河道鹽課屯田事務江南提刑按察使司副使加士級傅澤洪錄

運河水

冀州 夾右碣石入于河 禹貢

堯所都也碣石海畔山夾此山之右而入河逆上此
孔氏傳 堯都平陽 今山西平陽府臨汾

縣西南平陽故城是也傳云禹夾行此山之右而入河蓋非是此言貢道非言導水也以故自正義而下凡言治水皆從下為始者皆不之錄

河自碣石山南渤海之北入海夾挾也自海入河逆

流而西右顧碣石如在挾掖也 蘇軾尚書解

冀州東充南豫西雍三面臨河夾右者海壖在其左

也 薛季宣書古文訓

冀州無貢貢者諸侯貢天子也唯諸侯有貢故獨載島夷貢道島夷自外至也 黃度尚書說

他州皆舉山川以為界獨冀不言者帝都不必言觀餘州所至可知亦以見王者無外之意也夾右碣石入于河帝都通漕運之道也九州必有漕運之道以一人統天下之大絲牽繩聯凡所貢賦不可無道以達於帝都也 時瀾增修東萊書說

此記島夷入貢之道耳餘不必專自碣石入河也觀西傾因桓是來可見不獨西傾雍之浮積石亦然記遠不記近此經文之妙 傅寅禹貢集解

冀北去帝都遠者自海逆流而西右顧碣石如在挾掖九州貢道皆達河達河則達冀州矣 胡士行尚書詳解

冀州之域三面距河自積石東北流入於中國則折而南流雍州在其西故曰西河至華陰則折而東流豫州在其南故曰南河至于大伾則又折西北流兗州在其東故曰東河以三州考之則冀州在東河之西南河之北西河之東王制曰自東河至于西河千里而近自常山至于南河千里而近此則冀州之境界也此篇雖不言冀州之境界而冀州境界亦可以互見餘州之間 林之奇尚書全解

或問河入海之道曰新安王氏辨之詳矣王曰禹貢

言夾右碣石入于河此禹河之舊也周定王五年河
徒已非禹之故道漢元光三年河徙東郡更淫渤海
繼決于瓠子又決于魏之館陶遂分為屯氏河大河
在西屯河在東二河相竝而行元帝永光中又決于
清河靈鳴犢口則河水分流入于博州屯河始壅塞
不通後二年又決于平原則東入齊入青以達于海
而下流與漯為一王莽時河遂行漯河夫河不行于
大伾之北而道于相魏之南則山澤在河之瀕者支
川與河相貫者悉皆易位而于禹貢不合故欲辨冀
州山川不可不先講求河之故道也 陳大猷書傳或問

冀州為中土古軒轅陶唐有虞夏后殷人所都及實

沈臺駘孤竹之封皆在焉春秋時可考者晉 古實沈之虛唐人是因以

服事夏商及周成王滅之以封弟叔虞為唐侯至子燮改名曰晉魏霍冀黎 書西伯戡黎即此今為黎城縣楊郇 或作荀賈

沈如蓐黃 帝封臺駘於汾川沈如蓐黃實守其祀潞赤狄邰鄘衛 始封在朝歌邢共凡

原雍邗虞檀温中山鼓肥鮮虞冀北燕韓無終山戎

凡三十五國戰國時屬燕趙魏而秦衛亦兼得其地

秦并天下置三十六郡此為鉅鹿邯鄲上谷漁陽右

北平遼西河東上黨太原代郡鴈門雲中三川 北境是漢

武置十三州此為冀州 領郡九幽州 領郡十并州 領郡九後漢魏晉

竝因之 晉冀州領郡國十三幽州七并州六南北朝土地分裂增置漸多不可

勝紀唐承隋制州即是郡貞觀初因山川形便分天

下為十道開元中又析為十五道此為河北道之汲

郡衛州鄴郡湘廣平名鉅鹿邢信都冀趙郡趙常山鎮博陵定河
間瀛文安莫饒陽深上谷易范陽幽順義順歸化分順歸德燕
媯川媯漁陽薊密雲檀北平平柳城營等郡河東道之河東
蒲絳郡絳陝郡陝北平陽晉高平澤上黨潞樂平儀陽城沁大
寧隰文城慈西河汾太原并昌化石鴈門代定襄忻安邊蔚馬
邑朔雲中雲等郡又都畿之河內郡懷關內道之單于大
都護府按以上通典所列信都當全屬兗鄴郡之內
黃堯城臨河汲郡之黎陽東境當分屬兗以今輿地
言之山西太原平陽汾州潞安大同五府澤遼沁三
州河南則懷慶衛輝彰德三府唯衛輝之昨城縣舊
在大河之南當屬兗直隸則
順天永平保定廣平順德五府及真定河間二府之

西北境當以漢時漳水故道為
界水西屬冀水東屬兗大名府濬縣之西境以宿胥故瀆
為界西屬冀
東屬兗西屬兗又新置宣化府舊為萬
全都司及故遼東都司之西境以大遼
水為界
東屬青其北則踰塞直抵陰山下西起東受降城之北
東訖于大遼水皆古冀州域也 冀西距河河自今
塞外東受降城南而東至山西大同府廢東勝州界
折而南經平鹵衛及太原府之河曲保德興縣汾州
府之臨縣永寧寧鄉石樓平陽府之永和大寧吉州
鄉寧河津滎河臨晉蒲州是為西河與雍分界 冀
南亦距河河自蒲州過雷首山折而東經芮城平陸
垣曲及河南懷慶府之濟源孟縣温縣武陟衛輝府
之獲嘉新鄉汲縣是為南河與豫分界 冀東亦以

河與充分界自周定王五年河徙之後禹河故道堙廢而冀兗之界難分今按漢志魏郡鄴縣下云故大河在東句北入海故大河者即王橫所云禹之行河水本隨西山下東北去者也河自汲縣南東北流至黎陽縣西南出大伾上陽三山之間大伾山一名黎陽山今在滏山也枉人山一名善化山在縣西北二十五里俗名上陽三山即賈讓所謂西山也蘇代謂之宿胥之口酈道元謂之宿胥故瀆李垂謂之西河故瀆濬縣舊志云在縣西十里蓋禹迹也河徙由縣東故稱此為西河自此而北歷湯陰安陽鄴縣斥止東接內黃魏縣至列人斥漳之境左會衛漳經所謂北過降水也應劭曰斥漳縣漳水出治北入河杜佑曰漳水橫流至肥鄉縣界入河斥漳今曲周縣地肥鄉漢列入縣地蓋漳水由二縣境注於河也河自此東北入海及定王時南徙則衡漳

東出循河故道而下至東光縣西與大河合王莽時河益徙而南漳水遂專達于海故斥漳以下水經通謂之漳水東北歷平恩曲周鉅鹿經縣南宮堂陽扶柳信都昌成西梁桃縣鄆縣下博樂鄉武強武隧武邑東昌弓高阜城樂成建成平浮陽至章武平舒入海蓋皆禹河之故道也而說經者皆以王莽河為禹河謬矣大河故瀆一名北瀆王莽時空俗遂稱王莽河以今輿地言之濬縣屬直隸大名府湯陰安陽臨漳並屬河南彰德府成安肥鄉曲周並屬直隸廣平府平鄉廣宗鉅鹿並屬順德府南宮新河冀州並屬直隸定府東鹿屬保定府深州衡水武邑武強並屬直隸定府阜城獻縣交河滄州青縣靜海天津並屬河間府皆禹時冀東瀕河之地中流與充分界王制謂之東

河北播為九河其經流爾雅謂之徒駭又同為逆河
東至碣石入海後世謂之勃海者也 冀東北與青
分界處于古傳記無可考今按碣石以西之渤海即
禹時逆河也自天津衛直沽口與兗分界又北歷寶
坻縣東南折而東歷豐潤灤州樂亭盧龍昌黎縣南
昌黎漢繁縣碣石在其地渤海之北岸皆冀域也自
此以東則為大海東歷撫寧縣東南又東歷山海關
南又東歷遼東寧遠廣寧等衛南是為漢遼西郡地
又折而南歷海州衛西南衛在故遼東都司城南一百二十里曰梁房口關
大遼水于此入海關在蓋州衛西北九十里海運舟由此入遼河水經注云大遼水
出塞外衛白平山亦言出碣石山東南入塞直遼東之望平縣

西屈而西南流逕襄平縣故城西

襄平漢遼東郡治明為遼東都司郭下定遼中衛地

南逕遼隊縣故城西又南小遼水注之

水出元菟高句麗縣之遼山又

東南逕房縣西左會白狼水

水出右北平白狼縣

又東逕安市縣西

南入于海

漢志望平縣遼水出塞外南至安市入海行千二百五十里明一統志遼河自三萬衛西北入塞南流逕鐵嶺瀋陽都司之西

境廣寧之東境又南至海州衛西南入海望平襄平遼隊房縣安市皆漢遼東郡

之屬縣而遼水逕其西是知遼西為冀域遼東為青
域而碣石以東梁房以西之海則二州共之矣 冀

之北界亦無可考約畧言之當得陰山侯應曰北邊
塞至遼東外有陰山東西千餘里是也昔戰國時趙

北破林胡樓煩築長城自代竝陰山下至高關為塞
師古曰高關山名在朔方之北而置雲中鴈門代郡燕亦築長城自造陽

至襄平

師古曰造陽地名在上谷界

置上谷漁陽右北平遼西遼東郡

以距胡燕趙所築長城自雲中以迄遼西延袤可三

千里疑即堯時冀州之北界但今之長城未必皆古

跡其詳不可得聞耳北之西頭當起東受降城

唐景龍二年張

仁愿築置振武軍元和志云在朔州北三百五十里本漢定襄郡

之盛樂縣也武德四年於此置雲州

德三年置單于大督護府

即舜所

分并州之西界東頭當抵醫巫閭山即舜所分幽州

之東界山在故遼東都司廣寧衛西五里

衛東去都司城四百二十里

職方氏幽州山鎮曰醫巫閭是也明一統志云舜分

冀州東北為幽州即今廣寧以西之地分青東北為

營州即今廣寧以東之地秦以幽州為遼西郡營州

為遼東郡蓋仍燕之舊以大遼水為限也 漢志右

北平驪成縣下云大揭石山在縣西南莽曰揭石遼

西郡繫縣下云有揭石水南入官謂下不言有山也及

文穎注武紀曰碣石在遼西繫縣今罷入臨渝

此石著海旁師古曰碣碣然特立之貌穎字叔良南陽人為荊州從事

之孤石與班固異自穎始水經有魏晉間人所附益

故亦云碣石在臨渝後漢志無驪成劉昭補注遂於

臨渝言碣石晉省臨渝入肥如故後魏志碣石在肥

如隋省肥如入新昌尋又改新昌曰盧龍故隋志碣

石在盧龍自後漢迄隋言此山之所在曰繫縣曰臨

渝曰肥如曰盧龍縣名四變而山則一要皆在今昌

行水金鑑卷八十六

黎縣東黎縣故城之南也至括地志始云碣石在盧
 龍縣南二十三里與文穎異唐志及寰宇記則云石
 城縣有碣石而歐陽忞輿地廣記曰石城故驪成也
 易被據之以釋禹貢按石城有四一在今大寧廢衛
 界漢舊縣屬右北平縣去龍城可百里一在今永平府西北後魏
 置屬建德郡通典平州西北到石城一百四十里者是此二縣皆不瀕海一在今
 灤州南唐置屬平州縣北去灤州三十里一即今撫寧縣唐臨渝改
 曰石城亦屬平州有臨渝關大碣石山此二縣皆瀕海志所稱石
 城故驪成者今之撫寧乎抑灤州之南境乎撫寧本
 漢臨渝今縣此有臨渝故城為遼西郡之東偏勢不得越令支今遷安
 縣今昌黎肥如今盧龍海陽今灤州而屬右北平也驪成必不在此

地嘗試按圖而索之今灤州所領樂亭縣縣在州東南唐初為石城縣地後為盧龍縣地又為馬城縣地金大定末析置樂亭縣有古城在西南三十里似即漢驪
 成治志所稱石城蓋指此地非臨渝更名之石城今
 為撫寧者也然樂亭縣境平衍無山即以州南瀕海
 之地為驪成地而亦無山唯縣西南四十里有祥雲
 李家桑坨三島迫近海濱豈即所謂大碣石與通典
 平州盧龍縣下云有碣石山碣然而立在海旁故名
 之仍用文穎說金元以來人皆知昌黎為黎縣而碣
 石在焉求之海旁不得求之水中又不得乃更求之
 向北之地故明一統志云碣石在昌黎縣北二十里
 或又以仙人臺上之巨石為天橋柱蓋皆依文穎言

之然其山去海八九十里殊遠夾右入河之義不可
從也 欲辨碣石之所在莫若以今所謂灤河者證
之灤河即濡水也漢志遼西肥如縣濡水南入海陽
師古曰濡音乃官反讀若難後訛為灤以聲相近也
遼因置灤州世遂目其水曰灤河不復知為古之濡
水矣今碣石雖無其迹而灤河仍自遷安盧龍灤州
至樂亭東南入海與酈注濡水入海之道無異則碣
石舊在灤口之東可知矣贊水卑耳之谿淪于海中
者當亦在樂亭縣西南也 山有名同而繫之以大
小者如大別小別太華少華太室少室之類是也
古書曰
太少

與大小
通用

驪成之山稱大碣石則必有小碣石在蓋即系

縣海旁之石矣酈道元既宗文穎以為碣石在索縣
又引驪成大碣石以證之若以其山為跨二縣之境
也者今按濡水從塞外來東南逕令支故城東又南
逕孤竹城西又東南逕牧城西分為二水北水枝出
世謂之小濡水東逕樂安亭北東南入海濡水東南
流逕樂安亭南東與新河故瀆合
新河即魏武征
蹋頓時所開也又東南
至索縣碣石山而南入于海樂安亭者蓋即今樂亭
縣東北之樂安故城也
東晉於此
置樂安縣索縣在其南驪成在其
西據濡水歷亭南而東又東南至碣石則碣石在亭
之東南與驪成西南之大碣石相去闊絕安得連為
一山郭璞注山海經曰碣石在臨渝或云在驪成蓋

兩存之愚謂在臨渝者爲是或云漢志其可違乎曰
班氏所言間有紕繆西縣之蟠冢氏道之養水武都
之東漢水其尤甚者也他如安豐之大別安陸之陪
尾尋陽之九江居延之流沙後人皆以爲非而不從
豈獨一驪成之碣石哉蟠冢漢水承誤數百年至魏
收而始正世皆遵用其說文穎以建安時正班固之
碣石猶王橫之以新莽時正史遷之禹河也不遠而
理無可疑橫說長于遷固即採之地理志云故大河在鄴東叙
傳云商竭周移皆橫說也
穎說長于固今奚不可用耶 山海經曰碣石之山
繩水出焉西流注于河此驪成之大碣石也何以知
之紕縣之碣石在濡水之東繩水苟出其山勢不得

越濡水而西注于河也又有二碣石史記索隱引太
康地志云樂浪遂成縣有碣石長城所起通典云秦
築長城起自碣石在今高麗舊界非盧龍之碣石北
齊文宣帝紀天保四年大破契丹于青山還至營州
登碣石山臨滄海唐志營州柳城縣北接契丹有東
北鎮醫巫閭祠又東有碣石山此即文宣之所登與
前在遂城者皆非禹貢之碣石也劉昭注補郡國志
言常山九門縣有碣石山按孔疏引鄭說云戰國策
碣石山在九門縣蓋別爲碣石不與此同今驗九門
無此山也今真定府藁城縣西北二十五里有九門
城故縣也四面五百餘里皆平地無一山至若燕昭王所
築之碣石宮以事騶衍者史記正義云在幽州薊縣

西三十里寧臺之東旁近無此山特取為宮名耳凡言九門薊縣有碣石山者皆妄也 史記秦始皇三十二年至碣石使燕人盧生求羨門高誓刻碣石門日知錄云始皇刻石之處凡六史記書之甚明於鄒嶧泰山之罘琅邪會稽無不先言立後言刻者惟於碣石則云刻碣石門自是石不須立也二世元年東行郡縣到碣石漢書武帝元封元年東巡海上至碣石北海濱之山斗入海者封禪書成山斗入海索隱曰謂斗絕曲入海也故成帝時賈讓言禹之治水鑿龍門闢伊闕析砥柱破碣石凡山陵當路者毀之蓋伊闕類龍門夾峙兩岸水出中間者也碣石類砥柱橫絕中流當河之衝者也析之破之不容已矣但此石猶著海旁不知何年苞淪于海水經曰碣石山在遼西臨渝縣南水中

注云大禹鑿其石右夾而納河說本賈讓鑿即破也秦始皇漢武帝

皆嘗登之海水西侵歲月逾甚而苞其山故言水中

矣又云漢司空掾王璜漢書儒林傳琅邪王璜平仲傳古文尚書溝洫志作王璜言往昔天

嘗連北風海水溢西南出侵數百里故張君云碣石

在海中蓋淪于海水也後漢志注禹貢正義並引張氏地理記張氏不知其名豈即此所稱張君耶程大昌以為

昔燕齊遼曠分置營州今

城居海濱海水北侵城垂淪者半王璜之言信而有

徵碣石入海非無證矣又云濡水自樂安亭南與新

河故瀆合又東南至繁縣碣石山文穎曰碣石在遼

西繁縣繁縣并屬臨渝地理志曰大碣石山在右北

平驪成縣西南王莽改曰碣石也漢武帝亦嘗登之

以望巨海而勒其石於此今枕海有石如甬道數十里當山頂有大石如柱形往往見之立于巨海之中潮水大至此句下似有闕文及潮波退不動不沒不知深淺世名之天橋柱也今遼東廣寧前屯衛西南七十里有孤山屹立海中高百餘丈周圍三十餘步天橋柱即此類狀若人造要亦非人力所就韋昭亦指此為碣石濡水於此南入海又按管子齊桓公征孤竹至卑耳之谿涉贊水今亦不知所在昔在漢世海水波襄吞食地廣當同碣石苞淪洪波也酈氏三言碣石淪于海有其故有其時有其證有其狀鑿鑿可據如此而世或詆為妄談以自伸其無稽之說不亦偵乎曹孟德詩曰東臨碣石以觀滄海水何澹澹山島竦峙建安十二年征

烏桓過此而作

濡水注云魏太祖征蹋頓與洵口俱導者世謂新河新河會濡水東南至碣石山而南入海則曹公征烏桓時

道經碣石可知後魏文成帝太安四年東巡登碣石山望滄海改山名樂遊蓋此山雖淪于海而去北岸不遠猶可揚帆覽勝車駕東巡大軍出塞者率皆登山觀海以修故事道元家酈亭距臨渝纔五六百里所謂碣石苞淪洪波者乃以目驗知之而引王瓚以為證豈若程泰之生於南宋目不覩溟渤而徒憑古人之一言以恣其臆斷者哉世因程氏之妄而并疑酈氏之真亦惑矣所可恨者此山不知至何時復遭蕩滅今昌黎縣南海中無一山自撫寧以東更二三百里海中亦無一山此酈氏之說所以不信于今也按道元卒

于魏孝昌二年歲在丙午下距齊文宣登碣石之歲
天保四年癸酉凡二十八年而文宣所登乃在營州
前此營州未聞有碣石疑是時平州之碣石已亡故
假營州臨海之一山為碣石而登之以修故事不然
豈有舍此登彼之理自是以後登碣石者無聞焉隋
煬帝大業八年親征高麗三月渡遼水七月班師九
月至東都而不聞登碣石唐太宗貞觀十九年親征
高麗大破之九月班師十月丙午次營州而不登碣
石蓋以其山非真而高洋之故事不足修耳丙辰入

臨渝關戊午次漢武臺刻石紀功

水經注云魏氏土地記章武縣東一百里有武帝臺基高

六十丈俗云漢武帝東巡海上所築困學紀聞曰九域志滄州有漢武臺基高宗紀貞觀十九年伐高麗班師次漢武臺刻石紀功臺餘基三成燕齊之士為

漢武求仙處今名望海臺在滄州東北一百五十里

而不刻碣石則其時無此山可知矣

妄意推測碣石之亡當在魏齊之世丙午至癸酉二

十八年間也宋儒不加考覈而沿襲舊聞謂在平州

南海中去岸五百餘里

宋時平樂二州陷于契丹唯據滄州地望言之故云然非謂去北岸五百餘里也豈

知曩立于巨海之中者後併化為波濤也哉近世有

郭造卿著碣石叢談以昌黎縣北十里仙人臺當之

曰臺即碣石之頂也絕壁萬仞上凌霄漢其臺崇廣

頂有巨石為天橋柱人莫能至夫天橋柱者酈氏明

言在海中其又可移之乎陸邪劍去遠矣而缺舟以

求之非大愚不至此也言有似是而非者為害最

甚如經云太行恒山至于碣石說者謂碣石與二山

並舉則必高大相敵故以昌黎縣北之山為碣石

昌黎本漢

繁縣後漢省入臨渝晉以後為肥如縣地隋唐為盧龍縣地後僑置營州柳城縣遼改縣曰廣寧金又改曰昌黎而其

云底柱析城至于王屋今底柱見在其能與析城王

屋爭雄乎觀底柱則碣石可知矣不信海中之碣石

而以昌黎縣北之山為碣石則亦將不信河中之底

柱而以陽城縣南之山為底柱

陽城縣在山西澤州西八十里近志縣南有底柱山而傳記無

之與昌黎縣北之碣石正是一類然底柱無異論而碣石多枝辭何也一在

一亡故也善言禹貢者當憑古記以推尋不可以

亡為疑信海中之碣石水經注具有明文若昌黎縣

北離海數十里之碣石孰言之而孰傳之邪蘇秦說

燕曰南有碣石國人必皆識其處秦之滅燕未久也

始皇豈誤刻漢之去秦亦未久也武帝豈誤遊曹孟

德魏文成相望在數百年間也豈皆誤登道元北人

家又近碣石其本朝故事亦必熟諳豈誤認海中一

山為先帝之所幸而改名如其誤也必別有一處為

秦漢諸君之古跡號曰碣石者而它書絕無聞焉舍

道元之所說將安據乎世之言禹貢者抱孿拘之識

廢昭曠之觀謂碣石無亡理而必求見在之山以實

之斥古記為荒唐奉近志為典要吾未如之何也已

矣周希聖謂天子之都必求其舟楫之所可知使

夫諸侯之朝貢商賈之貿易雖其地甚遠而其輸甚

易此說得之冀州三面距河是其設都之意實有取

行山金鑑卷之六
世
于轉輸之利朝貢之便也禹貢所載上言田賦貢篚之事而于下言所由以達帝都之道其始末曲折莫不具備而皆以河為主蓋達于河則達于帝都故也傳以為禹治一州之水既畢遂還帝都白所治非也禹欲白所治不必身入帝都即使身入帝都亦何難于陸行而必循各州紆迴之水道以廢時失事哉鄭康成謂治水既畢更復行之觀地肥瘠定貢賦上下如此則不當叙于田賦貢篚之後王肅謂功主于治水故詳記各州往還乘涉之水名今按所載皆達河之道非有往還乘涉之事諸說皆不可通至周氏之言出而其義始定此實後人勝前人處謂今必不古

行
若者曲士之見也

禹貢雜指

卷第八十七

運河水

齊河惟兗州

浮于濟深達于河

卷第八十六

東南據濟西北距河濟深而水名因水入水曰運

卷第八十六

荅晉曲士之良也

禹貢

行水金鑑

卷第八十七

運河水

濟河惟兗州

浮于濟潔達于河

禹貢

東南據濟西北距河濟潔兩水名因水入水曰達

孔氏

傳

濟河惟兗州以濟水河水之間為兗州也

鄭樵書辨訛

浮水運也兗州朝貢之道或浮于濟或浮于潔以入

于河而達冀州不言冀州舉河而冀州可知矣

書古文

訓

舟行水曰浮潔者河之支流也兗之貢浮濟浮潔以

達于河

蔡沈書傳

濟自河又東北會于汶又北東入于海此兗之東南

與豫徐青分界處河自大伾北過降水至于大陸又

北播為九河同為逆河入于海此兗之西北與冀分

界處 兗州有古帝顓頊之虛杜預曰東郡濮陽縣古帝顓頊之虛故曰帝止 鬲觀

有窮昆吾韋固之封皆在焉春秋時可考者衛文公遷于楚止

成公又遷于帝止 邾胙燕南燕姑姓 凡四國戰國時為衛魏宋齊趙五國

地秦并天下置東郡碭郡東北境是 齊郡北境是 鉅鹿上谷二郡東境是

漢復置兗州領郡國八 後漢魏晉竝因之唐為河南道之靈

昌滑州 濮陽濮 濟陽濟 東平鄆 等郡河北道之清河貝州 魏郡魏

博平博 平原德 樂安棣 景城滄 等郡按以上通典所列有

當往屬者東平之須昌鉅野宿城及壽張之東境此為東原

大野之地須昌宿城壽張三縣故城並在今東平州界鉅野故城在今鉅野縣西 魯郡之任城任城今為濟寧州及嘉祥

縣之東境龔止今為寧陽縣並在今濟水東 改屬徐濟陰之南華在荷澤西今為東明縣 靈昌之

匡城在南華西今為長垣縣 改屬豫濟陽之長清今屬濟南府 及東阿之東

境今東阿縣是 平陰之北境改屬青其南境改屬徐也平陰側

北故分屬青徐 又有當來屬者冀域信都郡及鄴郡之內黃堯

城臨河內黃堯城二縣故城並在今內黃縣界臨河故城在今滑縣北 汲郡之黎陽東境其豫

域則濟陰之乘氏也乘氏在荷澤東今為曹州 以今輿地言之河南衛

輝府之胙城縣胙城本在河南自金明昌五年河徙出縣南而縣始為河北地 直隸大名府唯滄

西境當屬冀長垣東明二縣當屬豫 及真定河間二府之東南境當以漢時漳水故道為界東南屬兗西北

屬 山東則東昌府其兗州府則曹州陽穀壽張鄆城濟

南青州二府則西北境當以漢時濟水故道為界西北屬兗東南屬豫徐青 皆古兗州域

也 東南據濟與豫分界當自兗州府之曹州始何以知之按導水濟入河溢為滎東出于陶止北又東至于荷澤在今定陶縣境經繫諸豫雷夏在今曹州境經繫諸兗故知二澤之間為兗豫之界也濟水至曹州西分為二一水東南流為河水一水東北流入鉅野澤為濟瀆春秋僖公三十一年取濟西田左傳云分曹地自洮以南東傳于濟酈道元云濟水自是東北流出巨澤即此地也濟水又北過東昌府之濮州范縣東與徐分界又北為陽穀荏平東與青分界轉東為濟南府之齊河濟陽齊東青城又東為青州府之高苑博興樂安

樂安縣東北一百十里有瓊槐故城漢屬千乘郡古濟水入海處也

南與青

分界今歷城以東有小清河即濟水入海之故道其北為兗南為青也 西北距河與冀分界河自今河南衛輝府胙城縣北東至直隸大名府濬縣大伾山西折而北經河南彰德府界中又東北經直隸廣平順德真定河間四府界中東入于海此禹河之故道曲周以下即漢時漳水之所行也 九河濟漯入海並在兗東徒駭最北八枝次之漯在鬲津之南濟又在漯之南其所入皆勃海也自天津衛直沽口與冀分界南歷靜海縣東又南歷滄州東又南歷霑化利津蒲臺縣東折而東歷樂安縣北以小清河入海處與青分界 漢志東郡東武陽縣下云禹治漯水東

北至千乘入海

東武陽即今朝城縣應劭曰在武水之陽酈道元曰漂水亦或武水也其故城在今縣西千乘縣為千乘郡治後漢始改郡為樂安國疏引班志不當加樂安二字又平原郡高唐縣下云桑欽言漂水

所出今按禹引河自大伾山西折而北循大陸東畔

入海而漂首受河自黎陽宿胥口始不起東武陽也

水經注所叙河水自宿胥口又東右逕滑臺城故白馬縣治在

今滑縣又東北逕黎陽縣南黎陽故城在今滑縣東北又東北逕涼城縣

在今滑縣東北又東北逕伍子胥廟南廟在晉頓止郡界今清豐縣之西境是又東北為

長壽津河之故瀆出焉津在涼城廢縣東北六十里河水又東逕鐵止

南元和志鐵止在滑州衛南縣東南十里衛南本漢濮陽縣地止今在開州之西南又東北逕濮陽縣北開州西南

二十里有濮陽故城又東北逕衛國縣南縣故畔觀也其故城在今觀城縣西清豐之南境開州之北境皆得其地又

東逕郵城縣北今濮州東二十里有郵縣故城唐濮州治也又東北逕范縣之秦

亭西春秋書築臺於秦者也今范縣東南二十里有范縣故城又東北逕委粟津寰宇記觀城縣東南六十七里有

委粟城蓋與津相近皆古漯水也自周定王五年河徙從宿胥口東

行漯川至長壽津始與漯別其津以西漯水之故道

悉為河所占而上游較短矣然河之故瀆不經東武

陽亦不經高唐迨漢成帝建始末河決館陶屬魏郡由東

武陽絕漯水而東北至高唐又絕漯水東北至千乘

入海雖嘗塞治而故道猶存王莽始建國三年復決

于此莽為元城冢墓計不隄塞明帝永平中王景修

之遂為大河之經流自是委粟津以西漯水之故道

又為河所占上游益短矣漯水一出於武陽再出于

高唐據成帝後言之耳水經注委粟津河北即東武

陽也漂水出焉阿自此與漂別東北逕東阿在平等縣至千乘入海水上承河水於武陽

縣東南而北逕武陽新城東引水自東門石竇北注

于堂池水而隍塹于城東北合為一瀆東北出郭逕

陽平縣之岡城西陽平故城今為莘縣治岡城在縣西南七里通典莘縣漢陽平縣地有武陽城無此水矣元和志武陽在

朝城縣東十步蓋即漂水也新志云故流今湮惟縣城西門外少南三里許有

大陂廣十餘里其勢突城而東與陽穀縣西大陂連夏秋積潦并成巨浸相傳

為古漂河又北絕莘道城之西北今莘縣西十三里有莘亭故城又東北逕樂

平縣故城東本漢清縣後漢改名樂平其故城在今堂邑縣東南三十里又北逕聊城縣故

城西城在今聊城縣西十五里又東北逕清河縣故城北城在今清平縣南清

南有貝故城南又東北逕文鄉城東南城亦在清平縣南又東北逕博平縣

故城南城在今博平縣西北三十里右與黃溝合溝承聊城郭水東北出逕清河

謂聊攝以東也又東逕文鄉城又東北出於高唐縣東至漂水又東北逕援縣故城西杜預釋地曰濟南祝阿縣

西北有援城今在禹城縣西南漢志作援又逕高唐縣故城東左傳哀公十年趙鞅帥師伐齊取黎及輔毀高唐之郭杜預曰輔即援也祝阿縣西北有高唐城今在禹城縣西四十里禹城本漢祝阿縣桑欽地理志曰漂水出高

唐余按穆天子傳稱丁卯天子自五鹿東征釣于漂水以祭淑人丁巳天子東征食馬于漂水之上尋其

沿歷逕趣不得近出高唐桑氏所言蓋津流出次于所間也俗以是水上承于河亦謂之源河矣源河乃漂之

唯知此而不知起東武陽則疎矣河既與漂合復分為二漂由漂陰故城北河由平原故城東蓋自高堂以西至武陽河在南而漂在北自高唐以東至海則漂在南而河在北矣今禹城縣南有源陽故城唐縣在源河之北故名漂水又東北逕濳陰縣故城北伏琛謂之濳陽城地理風俗記曰平原濳陰縣今巨濳亭是也按臨邑縣西有濳陰故城元和志濳水北去臨邑縣七里又東北逕

著縣故城南城在今濟陽縣西南著竹庶反又東北逕崔氏城北城在今章北縣西北又東北逕東朝陽故城南城亦在章北西北又東逕漢徵君伏生墓

南碑碣尚存又東逕鄒平縣故城北城在今鄒平縣北與齊東縣接界又東北逕東

鄒城北今青城縣界有東鄒故縣又東北逕建信縣故城北應劭曰在臨濟縣西北五十里

今在高苑又東北逕千乘縣二城間伏琛云千乘城在齊城西北一百五十里隔會水即漂之別名

也元和志千乘故城在淄州高苑縣北二十五里又東北為馬常坑蓋亦在千乘縣界玉篇坑音而勇切地名今按下文里數

則坑乃澱泊之類坑東西八十里南北三十里亂河枝流而入于

海河水注云河水自千乘北城北又東分為二水枝津東逕甲下城南東南歷馬常坑注濟濟水注云濟水自甲下邑南東歷琅槐故城北又東北河水枝

津注之蓋即漂之所亂者此自西漢末以迄後魏漂川之原委也以今

輿地言之濬縣滑縣開州清豐並屬直隸大名府觀城濮州范縣

朝城莘縣堂邑聊城清平博平並屬山東東昌府禹城臨邑濟陽

章止鄒平齊東青城並屬濟南府高苑屬青州府諸州縣界中皆古

漂水之所經自宋世河決商胡朝城流絕而舊迹之

存者鮮矣 濟漂二水為東南四州貢道之所必由

非獨究也青承兗曰達于濟則由濟入漂可知矣徐

承青曰達于荷則由荷入濟可知矣揚承徐曰達于

淮泗則由淮入泗由泗入荷可知矣淮通泗泗通荷

荷通濟濟通漂漂通河四州之貢道無不由濟者而

總與陶止滎澤之間無涉此其所以不言逾也 禹

時濟實通漂林少穎云案經文無濟漂相通之道非

也但孔疏云從漂入濟自濟入河則必有舍舟行陸

之事是為大謬耳周希聖更定其文曰由濟而入漂

由漂而入河經旨灼然矣近惟朱長孺深知此意其

所著禹貢長箋曰古時濟漂通流漢以後遂不相屬

孔疏與經文所次水道不合當是從濟入漯從漯入河鄭端簡亦云舊作二道者非是此適與周氏闇合也新唐書許敬宗傳云高宗東封泰山次濮陽問書稱浮于濟漯今濟與漯斷不相屬何故敬宗對曰沈濟自温入河伏地南出為滎澤又伏而出曹濮之間汶水從入之故書又言浮汶達濟不言合漯者漯自東武陽至千乘入海也或據此以駁濟與漯通之說余曰濟漯本相附近迨西漢末河行濟漯之間高唐以西至東武陽二水為河所隔唐世猶然故高宗謂濟漯斷不相屬敬宗不知古今水道之變遷而憑臆以對殊失經旨未可以證禹貢也然則濟與漯通當

在何處曰是不可知按水經鄧里渠與將渠合北逕

荏平縣東臨邑縣故城西北流入于河河水又東北

逕四瀆津注云河水東分濟亦曰濟水受河也水經注濟或作

濟又因涉而訛為沛今悉改從濟自河入濟自濟入淮自淮達江水徑周通

故有四瀆之名蓋其時濟漯之間為河所隔故云河

分濟又云濟受河在禹時則固漯分濟或濟受漯也

漢臨邑縣在今荏平縣東通典漢臨邑故城在盧縣東按今長清縣西南二十五里有盧縣故城西與荏

平接界漢臨邑當在此間今臨邑本漢漯陰縣劉宋僑置臨邑非漢縣也四瀆津在臨邑故城東北寰宇記四

口故關在聊城縣東八十里一名四瀆口當為古濟漯通波處此亦不敢定以為

是然濟與漯通必在會汶之後又北將東之際而臨

邑適當其地東北接高唐故城為漯之所經枝津徑

通理無可疑 黃文叔云或浮濟或浮漯而皆達于河愚謂兗之北境可徑浮漯以達河而其南境則必由濟入漯也準此以推則青之汶徐之淮揚之江海荆之江沱潛漢雍之龍門雖並列于經而或由或不由各隨其便唯豫之洛梁之潛沔渭為道所必由耳

禹貢錐指

海岱惟青州 浮于汶達于濟 禹貢

岱岱宗也青州貢道由汶入濟濟固達于河矣 書古文訓岱

宗即泰山也山東通志云泰山在泰安州北五里為東嶽岱宗其山周迴一百六十里屈曲盤道百餘徑南天門東西三天門至絕頂高四十餘里上有石表魏然俗云秦時無字碑有碧霞祠東岳廟封禪壇其峰曰日觀曰秦觀曰越觀曰丈人曰獨秀曰雞籠曰老鴉曰獅子曰蓮花曰懸石其崖曰百丈曰捨身曰馬棚曰鵲鴿其峪曰石經曰石壁曰佛寺曰鬼兒曰椒子曰鄆都曰桃花曰馬蹄曰谿里其嶺曰迴馬曰鴈飛曰黃曉曰思鄉曰青峯曰西橫其石曰牛心曰龍

口曰試劔曰龍紋曰虎阜其洞曰迎陽曰呂公曰白雲曰遙觀曰蝙蝠曰鬼仙曰山簾其池曰玉女曰王母曰白鶴曰白龍又岳頂有東西神霄山岳陰有孤山襁山鶴山相去俱十里雖山各異名皆泰岳之峯巒也日觀者雞一鳴時見日始欲出長云丈秦觀者望見長安越觀者望見會稽亭亭云云梁父徂徠諸山俱在泰山俱在泰山

即所謂導沅水東流為濟東至于荷又東北會于汶是也謂此州將欲達于帝都當浮于汶以達于濟然後由濟以達于河也 尚書全解

汶水五源皆出襲慶奉符縣界至東平中都縣貫鉅澤入濟青州貢道由汶入濟由濟入河不言河兗已見也 尚書說

地理志云汶水出泰山萊蕪縣原山西南入濟易氏云唐兗州乾封縣本漢泰山郡博縣後改為襲慶府

奉符縣汶水出縣東北原山蓋博與萊蕪皆在兗州之西南故汶水所出之原山介兩邑間又有北汶羸汶哉汶牟汶述征記云泰山郡水皆名汶今縣界有五汶皆源別而流同其原山之汶水西南流經乾封縣治南去縣三里又西南流九十里入鄆州中都縣孔子為中都宰之地自濟之上流既絕故汶水入大野陂而不入濟

尚書纂傳 原山在今萊蕪縣東五十里連淄川縣界今名岳陽山淄水出其陰汶水出其陽見一統志

孔疏曰堯時青州越海而有遼東舜分青州為營州即遼東也漢公孫度據遼東自號青州刺史矣

書纂言

按成王賜太公履曰東至于海季札聞齊音曰表東海者其太公乎齊湣王謂張儀曰齊僻陋隱居東海之上是東據海也而傳兼言北楚子謂齊侯曰君處北海蘇秦說齊王曰北有渤海蓋自今成山以至樂安者是也故云東北據海然自朝鮮以至日照皆青也所遺多矣專言東則固可該琅邪與朝鮮也地理志岱山在泰山郡博縣西北今山東濟南府泰安州東南有博縣故城山在州北五里於故城為西北也公羊傳曰越在岱陰齊蘇秦說齊王曰南有泰山史記曰泰山之陽則魯其陰則齊岱主南言與徐分界也而傳兼言西則岱不足以表其界蓋青西以濟為兗界齊語正封疆西至于濟其明徵也北自琅槐以西亦以濟為兗界故王莽改漢齊郡曰濟南而經不

言濟者蒙究濟河之文從可知也傳兼言西則欲密而反疎甚矣說經之難也周禮正東曰青州其疆域與禹貢大異鄭注云青州則徐州地也蓋以其山鎮曰沂山其川淮泗其浸沂沭知之經曰海岱及淮惟徐州又曰淮沂其乂又曰浮于淮泗是知徐并于青也賈疏云周之青州於禹貢侵豫州之地蓋以其澤藪曰望諸知之望諸即孟豬經于豫州曰導菏澤被孟豬是知侵豫之地也疏又云周時幽州南侵徐州之地蓋以其澤藪曰獫狁知之地理志琅邪長廣縣西有奚養澤琅邪郡屬徐州是知侵徐之地也渭按長廣故城在今登州府萊陽縣東漢屬徐州實古

青州域幽之所侵乃青地非徐地也不但此也其川河沛其浸菑時皆青地為幽所侵而賈不言何其疎也蓋今青登萊三府之地在青域者周時皆割入幽其西又為兗所侵而損豫之東南境以益之徐則岱山大野皆入于兗是青亦不全得齊也鄭云青州即徐州亦言其大畧而已青州有古爽鳩氏之虛為季崩有逢伯陵蒲姑氏之所因及斟灌斟尋寒過之封皆在焉春秋時可考者齊紀譚州夷介萊凡七國戰國時為齊燕二國地秦并天下置齊郡琅邪東境是遼東漢復置青州領郡國六後漢魏並因之領郡國五晉分置平州青州領郡後改曰幽州唐為河南道之北海青州濟南齊淄川

淄高密密東萊萊東牟登等郡河北道之安東都護府按

以上通典所列高密之莒縣及諸城之南境當往屬徐又有當來屬者兗域濟陽之盧縣及東阿之東境

後漢穀城縣地在濟東者即今東阿縣平陰之北境徐域魯郡乾封萊蕪之北

境是也以今輿地言之山東登州萊州二府其青州

府則益都臨淄昌樂安止壽光臨朐及諸城高苑博

興樂安之南境濟南府則肥城長清歷城章丘鄒平

長山新城淄川及泰安萊蕪之北境兗州府則唯東

阿及平陰之北境三府之地南以齊長城故址與徐分界西及北以漢時濟水故道與兗分界其東北

跨海為故遼東都司之東境及朝鮮國皆古青州域

也青之東境登萊二府之地斗入大海中東西長

八九百里形如吐舌史記徐世家云齊自泰山屬之

琅邪北被于海膏壤二千里蓋并登萊計之也海水

自日照縣東與徐分界日照本漢海曲縣屬琅邪郡今屬青州府莒州北歷諸城縣

東折而東北歷膠州即墨萊陽棲霞文登諸縣南又

東北出而西折歷寧海州及福山蓬萊二縣北蓬萊登州府治

海在府城北五里北與遼東相望自新開海口而東北抵遼東金州衛南之旅

順口三百里而近有沙門砣磯鐵山諸島可以泊舟避風一帆徑度亦不甚險

漢書元封二年遣樓船將軍楊僕從齊浮勃海擊朝鮮元和志大人故城在登州黃縣北二十里司馬宣王伐遼東造此城運糧船從此入今新羅百濟往還

常由又西歷招遠登州府掖縣昌邑濰縣俱萊州府北與充分界

青西及北以濟為界鄭漁仲云不言濟者以兗州

見之也按水經注濟水自臨邑過平陰盧縣歷城臺

縣梁鄒臨濟安平樂安利縣至琅槐入海以今輿地

言之平陰長清齊河歷城界中之大清河及章止鄒
平常山新城高苑博興樂安界中之小清河即漢時
濟水會汶入海之故道古青充分界處也青之東
北界無可考疏云越海而有遼東之地恐未盡通典
云青州之界東跨海從岱山東歷密州東北經海曲
萊州越海分遼東樂浪三韓之地西抵遼水此說近
是然三韓地太遠而廟諱菟不可遺竊疑漢武所開二
郡皆古喁夷之地在青州之域者而三韓不與焉蓋
喁夷羲和之所宅朝鮮箕子之所封不應在化外先
儒但云有遼東非也漢書言東夷天性柔順異于三
方之外故孔子悼道不行設浮于海欲居九夷後漢

書言東夷率皆土著喜飲酒歌舞或冠弁衣錦器用
俎豆所謂中國失禮求之四夷者也觀其土俗則青
之東北界不止于遼東明矣史記秦始皇本紀云地
東至海暨朝鮮北據河為塞竝陰山至遼東朝鮮列
傳云自始全燕時略屬真番朝鮮為置吏築鄣塞秦
滅燕屬遼東外徼燕秦之所經略蓋禹貢喁夷之地
唐一行所謂北戒山河抵恒山之右乃東循塞垣至
濊貊朝鮮以限戎狄者是也星傳謂北戒為胡門
明遼東都指揮使司兼轄漢遼東西二郡之地都司
城西四百二十里為廣寧衛本遼東無慮縣也衛西
幽州域衛東營州域都司城東至鴨綠江五百六十

里與高麗分水太康地志云樂浪遂城縣有碣石長城所起通典云在今高麗舊界蓋即蒙恬所築起臨洮至遼東者也東漢以來故趾湮沒都司城北至三萬衛三百三十里古肅慎氏地衛西有開元城金置會寧府號為上京禹貢青州之北界當極于此衛東北距長白山千餘里其水北流為混同江南流為鴨綠江唐書東夷傳云高麗馬訾水出靺鞨之白山色若鴨頭即此江也都司城南至旅順海口七百三十里去登州不遠順風揚帆信宿可達明初遼東士子附山東鄉試後以渡海之艱改附順天猶周之并營于幽也 按此經蒙充之文曰達于濟則由溧以入

河可知矣其東北境徑浮濟不必從汶也 水經注

汶水出泰山萊蕪縣原山 萊蕪縣在齊城西南原山又在縣西南六十許里從征記曰汶水出縣西南流

自入萊蕪谷夾路連山數百里水陸多行石澗中按原山在今萊蕪縣東北七十里東接益都西接章止北接淄川縣界高從弁出羣山之上亦名馬耳山魏收志萊蕪縣有馬耳山汶水出是馬耳即原山矣今又名岳陽山 西南逕羸縣故城南 城在今萊蕪縣西北 又東

南逕奉高縣北 今泰安州東有奉高廢縣 屈從縣西南流與一水合俗

謂之牟汶 水出牟縣故城西南阜下俗謂之胡盧堆西南逕奉高縣故城而西南流注於汶今萊蕪縣東有牟縣故城牟汶水在縣南門外西流至泰安州東入汶 又南右合北汶 水出分水谿東南流逕泰山東合天門下谿水又東南流逕南明堂下昔漢武令奉高作明堂引水為辟雍世謂之石汶又左入于汶水今泰安州南有泮水出泰山分水嶺考其源流蓋即北汶也 又西南逕徂徠

山 山在州東南四十里 又南逕博縣故城東 城在州東南漢置唐改曰乾封 又西南逕

龍鄉故城南又西南逕亭亭山 山在州南三十里 又南左會淄水 世謂之柴汶 水出泰山梁父縣東南南流逕莒莒城北又逕梁父故城南又西南逕柴縣故城北又逕成邑北春秋齊師圍成成人伐

齊飲馬于斯水者也淄水又西逕陽關城南西流注于汶水今按州南有廢柴縣梁父故城西南有陽關城柴汶水在州東三十五里俗名司馬河又南

逕鉅平縣故城東城在州西南又西南逕魯國汶陽縣北又

西逕汶陽縣故城北城在今寧陽縣東北又西洸水出焉呂忱曰洸水出東平上承汶水

於岡縣西闡亭東爾雅汶別為闡其猶洛之有波矣洸水西南流逕乘止縣故城東又東南注于洸水按乘止故城在今滋陽縣西北又西逕

蛇止縣南今肥城縣南有蛇止故城本魯蛇淵置縣又西南逕岡縣北縣本魯闡邑在今寧陽縣境

又西南逕東平章縣南今東平州東有章縣故城又西南逕桃鄉縣故

城西城在今汶上縣東北四十里又西南逕壽張縣北壽張本壽良後漢光武更名又西

南至安民亭入于濟今州西南十里安山鎮即故安民亭村壩地汶水自桃鄉四分當

其派別之處謂之四汶口即今戴村壩地其左二水雙流西南

至無鹽縣之郈鄉城南又西南逕東平陸故城北又

西逕危山南世謂之龍山又西合為一水西南入茂都澱即今南旺

湖次一汶西逕郈亭北又西至壽張故城東遂為澤渚

其右一汶西流逕無鹽縣故城城在今東平州東又西逕洽鄉城

南又西南逕壽張縣故城北城在州西南又西入于濟以今

輿地言之汶水自萊蕪歷泰安肥城寧陽至東平入

濟合流以至于海此禹迹也迨元人引汶絕濟為會

通河明永樂中又築戴村壩遏汶水盡出南旺以資

運而安山入濟之故道填淤久矣元和志乾封縣

界有五汶源別而流同五汶者曰北汶羸汶柴汶牟

汶其一則經流也四汶口乃下流岐分處不在五汶之數按酈注無羸汶羸汶

在今萊蕪縣南三十里源出宮山之陰流合牟汶宮

山者新甫之別名也山在新泰縣西北泮水源出泰

山分水嶺即北汶州志謂之塹汶在今泰安州南五汶之外有小汶在州東南七十里源出宮山流逕徠山南又西入汶水所謂大汶口也羸汶流合牟汶故酈注不言五汶以小易羸斯為當矣又有水出萊蕪縣寨子村流合牟汶者近志指為浯汶據漢志琅邪靈門縣有高梁山浯水所出東北入濰說文云水出靈門山世謂之浯汶浯水合東汶入濰故有此名在今莒州界與萊蕪無涉志妄言耳東汶出朱虛縣小泰山北流至淳于縣入濰在今臨朐安丘界淮南子曰汶出弗其西流入濟高誘云弗其山名在朱虛縣東是即入濰之東汶言入濟者淮南之誤也 曾彥和曰汶水有二

出萊蕪縣原山入濟者徐州之汶也出朱虛縣泰山入濰者青州之汶也渭按原山北接淄川延袤跨青徐之境汶雖徐水其導源處猶為青域故青之貢道書浮于汶云 禹貢錐指

行水金鑑卷八十七

行水金鑑卷八十八
三

行水金鑑

卷第八十八

運河水

海岱及淮惟徐州禹貢浮于淮泗達于河河字應作

東至海北至岱南及淮孔氏傳

一州之境必有四面之至兗青揚荆豫梁雍皆載二
面而徐州則載三面與諸州異者不得不然若言海
岱則嫌于青州若言淮海則嫌于揚州故必曰海岱
及淮然後可以別其為徐州之界然徐州雖言三面
而其四境猶互見他州案爾雅曰濟東曰徐州是徐
州之西境而水之所經也雖不言濟而濟在徐州東
蓋可得而考尚書全解

荷謂荷澤說文荷字下云禹貢浮于淮泗達于荷从水苛聲徐鉉音古俄切隸从草作荷俗遂訛為荷又訛為河也許慎時經猶作荷而史記漢書並作河蓋後人傳寫之誤濟水豬為荷澤此經蒙青之文曰達于荷則由濟入潔可知矣 兗青徐揚四州貢道相因河行乎兗而合兗一境言之其地必有遠河者故隨其便于濟潔則使浮之以達于河故兗貢曰浮于濟潔達于河也青之浮汶入濟蓋期至河而非以至濟也經書青貢止曰達濟而不竟之於河者達濟則河自可逕不待復書也揚之道可沿江海以達淮泗而徐貢兼有淮泗亦可達濟然經于徐貢既越濟不

書而又泗上更得一水乃可因濟而求達于河經之越濟其例既異他州而泗又無經達大河之道則水道又不可曉故臣久求詳考始知泗之北濟之南有荷水者自定陶而下經昌邑金鄉東緡魚臺四邑而與泗水合是水也班固以為河水許叔重以為荷水荷河古字應通然後知徐貢之書達河也非以越濟也正因荷以達也夫唯有荷以為達濟之因則江海淮泗荷濟自南而北交相灌注水道既不闕絕而經文書例已書者更不再書通此經一例也

調停之說總不離自江至海自海至淮自淮至河自荷至濟自濟至河也還當依說文

禹貢山川地理圖說程氏是

爾雅濟東曰徐州郭注云自濟東至海似為禹貢徐

州之舊域然堯時揚州之境跨江北至淮而爾雅云江南曰揚州蓋殷割淮南江北之地以益徐視堯時之徐則大矣周禮正東曰青州禹貢徐州之山水皆在焉蓋以徐為青青地大半入幽而徐之西則又入于兗云呂氏春秋泗上曰徐州鄭漁仲釋之曰泗水出陪尾山至下邳入淮源委皆在徐州非若淮之與揚共濟之與兗共也故不韋亦得以為說焉 徐州

有古大庭少皞之虛 左傳梓慎登大庭氏之庫注云大庭古國名在魯城內或曰大庭即炎帝也劉楨魯都賦云戰 有緡大彭奄邳之封皆在焉春秋時可考者魯

滕茅薛徐邾莒蕭邾遂任宿須句顓臾鄆郟鄆陽鄆郟 後為小邾 向極牟鑄鄆郟偃陽根牟鍾吾甲父凡二十九國

戰國時屬魯而宋齊楚亦兼得其地秦并天下置泗

水琅邪 西境是 薛郡漢改置東海郡復以其地為徐州 領郡國四

後漢魏晉並因之 魏晉領郡國七 唐為河南道之彭城 徐州臨淮

魯郡 兗海 琅邪 沂 等郡按以上通典所列唯魯郡

乾封萊蕪之北境當往屬青其當來屬者兗域東平

之須昌鉅野宿城及壽張之東境濟陽平陰之南境

青域高密之莒縣及諸城之南境是也以今輿地言之江南徐州及鳳陽府之懷遠五河虹縣泗州宿州靈璧淮安府之桃源清河安東邳州宿遷睢寧海州贛榆山東兗州府則滋陽曲阜寧陽鄒縣泗水滕縣嶧縣金鄉魚臺濟寧嘉祥鉅野東平汶上沂州郯城

費縣及平陰南境濟南府則新泰及泰安萊蕪南境
青州府則蒙陰沂水莒州日照及諸城南境皆古徐
州域 海自江南山陽縣東折而西北為淮水入海
之口其北岸則安東縣也是為徐域海自縣東而北
歷海州東中有鬱林山 亦名鬱洲北齊置東海縣元和志云本漢
贛榆縣地俗謂之鬱州亦謂之田橫島 又
北歷贛榆縣東又東北歷山東日照縣東又東北歷
諸城縣東至琅邪臺過此則為青域 徐北至岱岱
西南為東平南為泰安所謂汶陽之田也東南為萊
蕪新泰沂州莒州諸城皆以長城故阨與青分界
淮水今自鳳陽府壽州界東流經懷遠五河泗州南
又東北經淮安府清河縣南與黃河合又東經安東

縣南而東北入于海中流與揚分界故曰南及淮也
岱濟之間與充分界蓋在東平汶上鉅野之西濟
淮之間與豫分界蓋在金鄉碭山宿州懷遠之西
金氏曰達於河古文尚書作荷說文亦作荷蓋荷澤
與濟水相通而泗水上可通荷下可通淮徐州浮淮
入泗自泗達荷也渭謂荷澤在今定陶縣東北金說
固明而程氏云濟水瀦為荷澤此經蒙青之文曰達
于荷則由濟入漯其說更明徐東北境可浮沂泗以
達濟不必從淮其西北境亦可浮汶以達濟不必從
泗也 充青徐揚四州之貢道前後相承不復不亂
汶與濟連故青曰浮于汶達于濟徐揚道由淮泗從

泗入濟必由荷澤故書曰達于荷若作河則複而無理河潔青且不言矣而徐復云達于河陵亂失次禹貢必無此書法而人猶謂作河為是者總由不知荷澤之原委耳 水經注泗水出魯卞縣故城東南桃

墟西北 左傳昭七年以孟氏成邑與晉而遷於桃杜預曰魯國卞縣東南有桃墟也墟有澤方十五里澤西際阜俗謂之鳩亭山西北連岡四十餘里岡之西際便得泗水之源博物志曰泗水陪尾蓋斯阜者矣石穴吐水五泉俱導穴各徑尺元和志泗水出泗水縣東陪尾山其源有四泉俱導因以為名今兗州府泗水縣東五十里有陪尾山 又西逕其縣故城西 城在今泗水縣五十里水神祠祠前有泉林寺寺之左右皆深林茂樹有大泉十數涇泓澄澈互相灌輸會而成溪是為泗水南經卞城東有橋曰卞橋自卞橋西至縣城復有大泉數十南北交會入于泗水以達曲阜大抵縣境數十里內泉如星列皆泗水也 又西南逕魯縣北分為二

今曲阜縣治 春秋莊公九年浚洙杜預曰洙水在魯城北音洙 北為洙瀆 洙水在魯城北音洙 南則泗水 洙泗之間即洙水百餘步今泗水南有夫子冢 泗水又南逕魯城西南合沂

水出魯城東南尼止山西北平地發泉流逕魯縣故城南水又西逕瑕北對稷門亦曰雩門門南隔水有雩壇曾點所欲風舞處也

止縣東 瑕止魯邑即負瑕今滋陽縣西有瑕止故城元和志瑕止縣泗水東自曲阜縣界流入與洙水合 屈從縣東南流逕平陽縣故城西 縣即山陽郡之南平陽縣也故城在今鄒縣西 又南逕高平縣故城西洸水注之 泗水南逕高平山縣取名焉洸水者洙水也蓋洸洸相入受通稱矣故城在鄒縣南 又南逕方與縣東荷水從西來注之 水經注荷或作荷又作河今悉改從荷鄒云荷水即濟水包注以成湖澤東與泗水合於湖陵縣西六十里穀庭城下俗謂之黃水口黃水西北通巨野澤蓋以黃水沿注於荷故因以名焉按荷水入泗經言在方與縣東注言在湖陵縣西必二縣以是水為界非有兩處也今魚臺縣北有方與故城縣東南有湖陵故城與沛縣接界湖陵秦置後漢章帝改曰湖陸 又

屈東南過湖陸縣南左會南梁水 水出蕃縣之東北平澤俗以南鄰於鄒亦謂之西鄒水蓄反音 又南鄒水注之 水出東海合鄉縣西南流入泗春秋哀公二年季孫斯伐邾取鄒東田及沂西田是也 又南逕薛之上邳城西 奚仲自薛遷于邳則下邳也有下故此為上今滕縣西北有薛縣故城 又南逕沛縣東黃水注之 水出小黃縣黃溝國語曰吳子會諸侯於黃池者也元和志沛縣泗水自西北流入東去縣五十步 又南逕

行水金鑑卷八十八

小沛縣東縣治故縣南垞上東岸有泗水亭漢祖為泗上亭長是也元和志泗水亭在沛縣東南一里按寰宇記沛縣東南微山下有故沛城尚存後漢呂布傳注云小沛即沛縣也又東南逕廣戚縣故城南城在沛縣東北又逕

雷縣而南逕垞城東元和志故留城在沛縣東南五十五里故垞城在彭城縣北二十六里兗州人謂實中城曰垞也今徐州北有垞城垞音茶又東南逕彭城縣東北元和志泗水在彭城縣東去縣十步今徐州即彭城百步

洪在州東南二里泗水所經也水中若有限石懸流迅急亂石激濤凡數里始靜俗名徐州洪又南逕彭城縣故城

東城在徐州東南又東南逕呂縣南呂宋邑春秋襄元年楚子辛侵宋呂留是也縣對泗水水上有石梁焉故曰呂梁懸濤崩濤實為泗險孔子所謂魚鼈不能游又云懸水三千仞流沫九十里今則不能也元和志呂梁在彭城縣東南五十七里按徐州北有呂梁故城州志呂梁山在州東南五十里山下即呂梁洪也有上下二洪相距凡七里巨石齒列波濤洶湧明嘉靖二十三年管河主事陳洪範鑿呂梁洪平之自是運道

便又東南逕下邳縣葛嶧山東又東南逕其故城西元和志嶧山在下邳縣西六里泗水西自彭城縣界流入下邳故城在今邳州東三十里又東南沂水注之又東南

得睢水口睢水注云出陳留縣西浪蕩渠東流逕下相縣故城南又東南南入泗謂之睢口元和志下相故城在宿遷縣西北七十里又

逕宿預城西又逕其城南故下邳之宿留縣也今宿遷縣東南有宿預故城又東逕陵

柵南西征記曰舊陵縣治也按漢志泗水國有陵縣其故城在今宿遷縣東南又東南逕淮陽城北今桃源縣西北有淮陽故城又東南逕魏陽城北陸機行思賦曰行魏陽之枉渚故無魏陽疑即泗陽縣故城也今在桃源縣東

又東逕角城北而東南流注于淮角城縣故城在今清河縣西南晉義熙中置以

今輿地言之泗水出泗水縣歷曲阜滋陽濟寧鄒縣

魚臺滕縣並屬山東兗州府沛縣徐州沛縣屬徐州隸江南邳州宿遷桃源至清河縣入淮並屬淮安府此禹迹也今其故道自徐城以南悉

為黃河所占而淮不得擅會泗之名矣漢志山陽郡湖陵縣下云禹貢浮于淮泗達于河水在南漢時

湖陵縣安得有黃河此河字明係荷字之誤水在南謂河水在縣南也酈道元泗水注引此文云荷水在

南水經濟水篇言河水過湖陸縣南東入泗皆確證
不獨許慎作荷也今按水經注荷水分濟于定陶東

北自荷澤分流東南逕乘氏縣故城南縣即春秋之乘北在今鉅野縣西南又東逕昌

邑縣故城北城在今金鄉縣西北又東逕金鄉縣故城南城即今縣治城北有金鄉山

又東逕東緡縣故城北城在今金鄉縣東北又東逕方與縣北又東

逕武棠亭北有高臺下臨水昔曾侯觀魚于棠謂此在方與縣故城北十里經所謂荷水也今魚臺縣北十三里有武唐亭又

東逕泥母亭北春秋僖公七年盟于泥母即此也甯泥聲相近遂訛為泥母今魚臺縣東有甯母亭又東與鉅

野黃水合又東逕湖陸縣南東入于泗水今魚臺東二十里穀亭鎮即鄆

注所謂穀庭城河水入泗處也元和志兗州莫臺縣河水一名五丈溝西自金鄉縣流入去縣十里又東南流合泗水泗水東北自任城縣界流入經縣東與河水合又東北入徐州沛縣界任城即今濟寧州也魚臺縣在湖陵故城西六十

里而荷水更在縣北十里與地志水經所云在湖陵縣南者不合蓋水道改矣

以今輿地言之定陶鉅野金鄉魚臺界中並屬兗州府皆荷

水之所經也然此水乃荷澤之枝流泗水與澤相通
之道經所謂荷主澤而言自乘氏以至湖陵名曰荷
水乃出自後人禹時未有也 蘇傳云自淮泗入河
必道于汴世謂隋煬帝始通汴入泗禹時無此水道
以疑禹貢之言按漢書項羽與漢約中分天下割鴻
溝以西為漢以東為楚文穎注云於滎陽下引河東
南為鴻溝以通宋鄭陳蔡曹衛與濟汝淮泗會即今
官渡是也魏武與袁紹相持于官渡乃楚漢分裂之
處蓋自秦漢以來有之安知非禹迹邪禹貢九州之
水皆記入河水道而淮泗獨不能入河帝都所在理
不應爾意其必開此道以通之其後或為鴻溝或為

官渡或為汴上下百餘里間不可必然皆引河水而注之淮泗也故王濬伐吳杜預與之書曰足下當徑取秣陵自江入淮逾于泗汴沂河而上振旅還都濬舟師之盛古今絕倫而自泗汴沂河可以班師則汴水之大小當不減于今又足以見秦漢魏晉皆有此水道非煬帝創開也吳王夫差闕溝通水與晉會于黃池而江始有入淮之道禹時則無之故禹貢曰沿于江海達于淮泗明非自海入淮則江無入淮之道今直云浮于淮泗達于河不言自海則鴻溝官渡汴水之類自禹以來有之明矣渭按蘇氏因說者有謂河當作荷而以為不必然故發此論元黃公紹為之

辨曰浮于淮泗達于河說者牽合傳會或指鴻溝引河入泗為禹迹或謂當時必有可達之理朱氏書傳亦莫知所折衷今按說文荷字注引禹貢此文是則達于荷非達于河也許慎所見蓋古文尚書後人傳寫例以上下文達于河之句改荷為河陸德明又以河音如字遂啓後人淮泗不能達河之疑然其下復云說文作荷工可切水出山陽湖陵南則非九河之河明矣如字之音陸氏誤也見韻會閻百詩曰禹貢濟入于河南溢而為滎而陶止而荷而汶而海此禹時之濟瀆發源注海者也史記河渠書禹功施乎三代自是之後滎陽下引河東南為鴻溝以通宋鄭陳蔡曹

行水金鑑卷八十八
衛與濟汝淮泗會此禹後代人于滎澤之北引河東
南流故水經謂河水東過滎陽縣菴蕩渠出焉者是
亦引濟水分流故漢志謂滎陽縣有狼湯渠首受沛
東南流者是又自是之後代有疏濬枝津別瀆不可
勝數則酈氏注所謂滎波河濟往復逕通者也雖然
其來古矣蘇秦說魏襄王曰大王之地南有鴻溝則
戰國前有之晉楚之戰楚軍于邲邲即汜水則春秋
前有之爾雅水自河出為澗澗本汜水則爾雅前有
之然莫不善于道元之言曰大禹塞滎澤滎澤莽時
方枯豈禹塞之乎又曰昔禹塞其淫水而于滎陽下
引河滎陽河非禹引而謂禹之時已有乎余是以斷

自河渠書參以滎陽下引河不見禹貢之書為出禹
以後頗自幸其考比蘇氏差詳矣渭按河當作荷得
黃氏之辯而愈明蘇氏引高紀文穎注而忘其出于
河渠書也又安知上文有自是之後四字乎非但蘇
氏酈道元亦不察也今百詩唯據此四字判鴻溝非
禹迹真老吏斷獄手而愚更有進焉者謂由泗入荷
由荷入濟是矣而自陶止以西舍鴻溝無達河之道
也焉得不指為禹迹乎謂滎陽下引河出禹以後是
矣而由濟達河莫知其所經不顯示以一塗終何以
破千古之疑乎是當于濟滎之間求之蓋兗青徐揚
之貢道皆由濟入滎以達河而宋儒謂濟滎二水無

相通之處則浮濟者沂陶止而西且北勢不得不出于滎陽此蘇氏之論所以近理而人不敢深折其非也誠知經所謂浮于濟者乃至荷會汶之濟而非陶止滎澤之濟則濟之所以通河者潔也非鴻溝官渡汴水也而紛紜之說不攻自破矣 蔡傳許慎曰汜水受陳留浚儀陰溝至蒙為澗水東入于泗則淮泗之可以達于河者以澗至于泗也許慎又曰泗受沛水東入淮蓋泗水至大野而合沛然則泗之上源自沛亦可以通河也渭按前說即道汴入河之意後說不知許氏所謂泗受沛者沛即湖陵入泗之荷而乃云泗水至大野而合沛謬甚蓋泗水南流合荷不西

注大野也上源亦可通河仍是鴻溝為禹迹之說

禹貢錐指

尚書通考云泗受沛者桑欽云濟水至濟陰乘氏縣分為二一水東北流為北濟一水南流為南濟通志云今此水與濟不通但荷水亦自乘氏至方與入泗而荷水通濟則泗可以達荷荷可以達濟而自濟可以通河此說亦似有理存之以俟參考

淮海惟揚州

沿于江海達于淮泗

禹貢

順流而下曰沿沿江入海自海入淮自淮入泗

孔氏傳

揚州北距淮東南距海

杜佑通典

蔡傳同

海岸雖自東北迤西南而經云東漸于海則青徐揚之海皆主東言可知也傳于青兼言北既為失之而于揚專言南則失之愈甚通典改為東南視傳為優矣

禹貢錐指

揚州貢路自江順流入海又自淮泗入荷沂沛入河

傳謂吳王夫差始通邗溝以禹貢考之淮南虞夏之間無水道也

書古文訓

禹之時江未有入淮之道自揚州入帝都則必由江而入海然後入于淮泗至吳王夫差掘溝通水與晉會于黃池然後江淮始通若禹之時則未有此道也而孟子曰禹疏九河濬濟漯而注之海決汝漢排淮泗而注之江此蓋誤指吳王夫差所通之水以為禹迹其實非也使禹時江已與淮通則何須自江而入海自海而入淮為是之迂回也哉孟子生周末去禹之世為未遠而猶誤指當時所見之水以為禹迹自孟子而來至今千餘年矣禹之舊迹漫滅者亦已甚

矣而世之儒者乃欲以今日所見之水而配合禹貢之書豈不猶膠柱而調瑟者哉

尚書全解

黃文叔云揚州吳越之域地盡南海皆揚土也杜佑分嶺南為古南越以為非禹貢九州之域何所據依哉禹貢冀北界標碣石而著島夷則地窮沙漠凡今雲朔燕薊諸夷居于山者皆是也揚南界表海而著島夷則地窮漲海凡甌閩交廣諸夷居于山者皆是也是蓋聲教所暨聞盛德而皆徠臣為唐虞之盛安有四海之內而非禹貢九州之域者渭按說文島海中安得謂之島夷且雲朔燕薊杜氏已列在薊域

甌閩亦列在揚域獨交廣為南越耳交廣南距海謂
海內皆九州之域可也若北海西海不知所極匈奴
為北海內地西域三十六國皆西海內地豈亦在九
州之域者哉此不足深辨唯裴駙史記集解於畧定
揚越下引張晏曰揚州之南越顏師古漢書叙例張晏字子博中山人次張揖蘇林之後如淳
孟康之前皆三國魏人而晉太康地志云交州本屬揚州取交趾以
為名虞之南極也二說相承已久習非不悟今駁正
如左 古有百越之稱一在禹貢揚州之域史記秦
始皇本紀二十五年王翦悉定荆江南地降百越之
君置會稽郡東越列傳秦并天下廢閩越王無諸及
越東海王搖以其地為閩中郡是也一即南越又名

揚越在五嶺之南揚荆梁三州之徼外秦始皇本紀

三十三年發諸嘗逋亡人贅壻賈人略取陸梁地索隱曰嶺

南之人多處山陸其性強梁故曰陸梁為桂林象郡南海以適讀曰謫遣戍是也漢

復立無諸為閩越王王閩中故地都冶徐廣曰今侯官又立搖

為東海王都東甌徐廣曰今永寧此皆句踐之後在揚域地理

志以會稽為吳分者是也漢會稽郡有冶縣師古曰本閩越地戰國策蔡澤

云吳起為楚南收揚越史記吳起列傳楚悼王時相

楚南平百越南越列傳云秦已并天下畧定揚越置

桂林南海象郡又云漢立尉佗為南越王使和集百

越太史公自序云漢既平中國而佗能集揚越以保

南藩賈誼過秦論云南取百粵與越同之地以為桂林象

郡鼂錯上書云揚粵之地少陰多陽秦之戍卒不能其水土嚴安上書云秦使尉佗屠睢將樓船之士南攻百越此百越即揚越秦時號陸梁地地理志以蒼梧鬱林合浦交阯九真南海日南為粵分者是也漢分秦三郡地為七郡屬交州揚越猶於越閩越駱越之類字義古無可考安見為揚州之南越邪自張晏倡為此說而顏師古張守節皆從之師古曰本揚州之分故云揚越守節曰夏禹九州本屬揚州故云揚越學者翕然宗之至杜佑作通典始于九州之外別列南越且云嶺南鄰接荊州不當捨荆而屬揚今按兩廣輿圖唯南雄韶州廣州惠州四府地在古揚州之徼外而自肇慶以西

至潯州縣地千餘里皆在古荊州之徼外南寧以西至安南則又在古梁州之徼外矣禹分九州揚地不當斗入西南數千里據後漢獻帝紀建安十八年復禹貢九州注云省交州以并荊州益州則南越縱在九州之域亦當分繫荆梁張晏魏人乃不諳故事而以南越專屬揚州又誤中之誤據揚雄交州箴曰爰自開闢不羈不絆周公攝祚白雉是獻則自周以前南越未嘗通中國况有其地乎太康地志雖有交州本屬揚州之說然沈約蕭子顯撰宋齊州郡志並不言交廣為禹貢某州之域至唐人修晉書始據太康地志于交廣二州直書曰禹貢揚州之域隋書同而其說遂牢不可破然神功元年狄仁傑上疏以為北橫大漠南阻五嶺天所

以限戎狄而隔中外是亦不從晉書至杜氏於九州之外別列南越頗協經義而世猶不信愚請以一事折之舜以青州越海分齊為營今五嶺橫絕南北曷不分揚之南境自為一州冀州南北太廣分衛為并燕以北為幽今揚南之廣大不啻如冀北曷不分後世交廣之地增置二州而乃止于十有二乎近史之誤明甚殷割淮南江北之地以益徐故爾雅云江南曰揚州蓋視夏之揚為小然其西又得禹貢荊州之地何以知之按導水文漢至大別入江而爾雅云漢南曰荊州蓋漢水之名至大別山而止其曰漢南者謂大別以西漢水之南也曰江南者謂大別以東

江水之南也荆揚之界當于此分然則殷揚州之境縮于北而贏于西與夏之揚廣狹適相當矣周禮東南曰揚州其藪澤川浸不殊于禹貢特未知與殷制異同如何耳揚州有古汪芒氏之封春秋時可考者蓼六越楚東境是吳蔣弦黃舒宗巢舒庸舒鳩英桐鍾離左傳昭元年吳濮有蠻杜注云吳在東濮在南今建寧郡南有濮夷凡十七國戰國時初屬越後楚滅越而有其地秦并天下置九江鄣郡會稽閩中南海東境今潮陽郡是漢復置揚州領郡七後漢魏晉並因之晉領郡國唐為淮南道之廣陵揚州淮陰楚鍾離濠壽春壽永陽滁歷陽和廬江廬同安舒蘄春蘄弋陽光等郡江南東道之丹陽潤晉陵常吳郡蘇吳興湖餘杭杭新定睦新安歙會稽越

餘姚明臨海台處縉雲永嘉溫東陽婺信安衢建安建長樂福
清源泉漳浦漳臨汀汀潮陽潮等郡江南西道之豫章洪鄱
陽饒潯陽江臨川撫廬陵吉宜春袁南康虔等郡按以上通
典所列無可更定者以今輿地言之浙江江西福建
皆是江南則江寧揚州廬州安慶池州太平寧國徽
州鎮江常州蘇州松江十二府滁和廣德三州其鳳
陽府則鳳陽臨淮定遠壽州霍止盱眙天長淮安府
則山陽鹽城河南則汝寧府之光州光山固始湖廣
則黃州府之羅田蘄水蘄州廣濟黃梅廣東則潮州
府皆古揚州域也淮水自今河南汝寧府息縣南
東流經光山縣北是為揚域又東經光州北又東經

固始縣北又東北經江南鳳陽府潁州北又東經霍
止縣北潁上縣南又東逕壽州北與豫分界又東北
經五河縣東南又東經泗州南盱眙縣北又東北經
淮安府清河縣南又東經山陽縣北又東經安東縣
南而東北注于海與徐分界海自山陽縣東北折
而東南歷鹽城興化如臯縣東又南至通州東為江
水入海之口其南岸則太倉州也自州東又東南歷
上海縣金山衛東又南歷浙江鎮海象山縣折而西
歷寧海縣東又西南歷黃巖太平樂清瑞安平陽縣
東又南歷福建福寧州東又西南歷羅源連江長樂
福清縣東又西南歷莆田惠安同安縣南又西南歷

海澄漳浦詔安縣東南又西歷廣東澄海縣南又西
至潮陽縣南揚州之海于斯極矣 揚之南界經無
可見據通典以潮陽隸古揚州蓋自江西大庾嶺東
南羣山縣亘以達于廣東潮州府之揭揚即揚之南
界也大庾嶺在南安府大庾縣南十二里縣本漢豫章郡南壘縣地
接廣東南雄府保昌縣界縣亦南壘縣地水經注以為五嶺之
最東亦名東嶠漢書謂之塞上南越相呂嘉破漢將
軍韓千秋于石門送漢節至于塞上即此地也後漢
志名臺領山唐以後又稱梅嶺其西為聶都山贛水
所出與湖廣郴州宜章縣接界裴淵廣州記曰五嶺
大庾始安臨賀桂陽揭陽也此與水經注小異桂陽

即騎田而無都龐有揭陽顏師古云嶺者西自衡山
之南東窮於海一山之限耳而別標名則有五蓋依
裴氏五嶺訖揭陽揭陽山一名揭嶺在今揭陽縣西
北百五十里南北二支直抵惠州府興寧海豐二縣
界山南揭陽故城漢縣也今西自越城騎田萌渚陂
陀相屬直趨大庾嶺又循脊而下東包揭陽屬之海
埂與江西福建分險唐一行所謂南戒山河至衡陽
東循嶺徼達東甌閩中以限蠻夷者是也星傳謂南
戒為越門 揚之西界經亦無可見今據通典所隸
郡縣約略言之蓋自河南光山縣與豫分界其南為
湖廣之羅田蘄水蘄州廣濟舊謂九江在黃州黃梅界故光山以下並屬荆今以洞庭為九江當屬揚

也。踰江而南則為江西之瑞昌，又西南為武寧、寧州，萬載、萍鄉、永新、永寧，又東南為龍泉、崇義、大庾，皆與荆分界處也。陳大猷曰：循行水涯曰沿，水之險者莫如江海，遇風濤多沿岸而行，所以獨言沿，不言浮，以著其險也。此說亦通。然吳語夫差曰：余沿江沂淮，又越師沿海沂淮，以絕吳路，則沿對沂言，明是順逆之辭。與左傳沿漢沂江同，當仍舊說。揚之貢道自常熟縣北之大江順流而下，至太倉州北七鴉浦入海，而東北經通州東，又北經如臯、興化、鹽城、山陽縣東，而西入淮口，沂流而上，歷安東縣、南山陽縣北，又西至清河縣西南之清口入泗。所謂沿于江海，達于淮。

泗也。

清口本名泗口，今其道為黃河所奪。

漢志江都渠水首受江北至射陽。

入湖水。經志中瀆水首受江自廣陵至山陽入淮，是其水乃自南入北，非自北入南也。即以邗溝既開時言之，孟子云：淮注江亦誤。然班固言渠水入湖而不言入淮，頗有分判。撰水經者乃云：淮水過淮陰縣北中瀆水出白馬湖東北注之，酈道元遂以為此水直至山陽口入淮，而其說牢不可破矣。竊疑高郵寶應地勢最卑，若釜底然。潘季馴兩河議曰：高家堰去寶應高丈八尺，有奇；去高郵高二丈二尺，有奇。邗溝首受江水東北流至射陽湖而止。杜預云：自射陽西北至末口入淮，此不過言由江達淮之糧道耳。路可通淮而水不入淮也。水經殆不如地志之確。禹貢錐指

[Faint bleed-through text from the reverse side of the page]

行水金鑑

卷第八十九

運河水

荆及衡陽惟荆州 禹貢 浮于江沱潛漢逾于洛至于南河

北據荆山南及衡山之陽逾越也河在冀州南東流故越洛而至南河 孔氏傳

此州北界至荆山之北故言據也南及衡山之陽其境過衡山也以衡是大山其南無復有名山大川可以為記故言陽見其南至山南也浮此四水乃得至

洛 孔氏疏 荆山在今湖廣襄陽府南漳縣西北八十里本漢臨沮地

荆山襄陽南漳縣衡山即南岳也荆州之貢由江沱

潛漢者各從所便至豫州境陸行踰洛乃至子河曰南河者在冀州南猶其西為西河也

書古文訓 荆山有三一在雍域襄德北條之

荆大禹鑄鼎處也一在荆豫界臨沮南條之荆卞和得玉處也一在豫域唐志號州湖城縣有覆釜山一名荆山湖城元省入閩鄉縣山在今縣南三十五里韓愈詩曰荆山已去華山來日照潼關四扇開李商隱詩曰楊僕移關三百里可能全是為荆山即此山也而豫之荆山與禹貢無涉湖廣通志云衡山在衡山縣西三十里岷山之脉盡於洞庭之西其山周環八百里為五岳之一南方之幹也上應璣衡故言衡山羅列七十二峯曰祝融峯高九千七百八十八丈為七十二峯最高慶曰迴雁峯相傳雁不過衡陽至此而迴或曰峯形如雁之迴南南岳迴雁為首岳麓為足云曰岫嶺峯大禹嘗登之上有岫嶺碑曰巨庇峯高數百仞頂有池曰天池冬夏不涸相傳夜有火燈燭之曰紫蓋峯在祝融峰下高四千五百丈形如紫蓋諸峯皆拱向祝融此獨南向曰天柱峯即雙柱峯也兩山端聳其形如柱曰石廩峯與紫蓋相接形如倉廩有二戶一開一闔湘中記曰開則歲豐開則歲儉曰芙蓉峯荆州記云衡山三峯極秀一紫蓋一石廩一芙蓉非晴不見曰赤帝峰一名煉玉峰曰朱明峰相傳與羅浮朱明洞通曰烟霞曰軫宿曰華蓋曰蓮花曰金簡曰石困曰崩劣曰雷祖曰中紫不可悉數金簡峯相傳禹夢水使者於此獲金簡玉書知治水之要

禹貢有兩荆山導岍及岐至于荆山孔氏云在雍州

導嶓冢至于荆山孔氏云在荆州惟此二山皆名荆故班孟堅有二條之說謂南條荆山在南郡臨沮縣東北此則荆州之荆山也謂北條荆山在馮翊懷德縣南此則雍州之荆山也以此二荆山名相亂蘇氏謂自南條荆山至于衡山之陽謂荆州自北條荆山至于河為豫州者其意蓋謂荆州之言荆者南荆也豫州之言荆者北荆也雖以此二山分配二州然而以地理志考之其實不然此荆與河相去不甚遠苟以荆州為北荆之荆則豫州之境界不應如是之狹也曾氏曰臨沮之荆其陰為豫州其陽為荆州此說是也蓋荆之與豫亦猶岱之分青徐也 浮于江沱

潛漢浮舟于此四水也江沱潛漢其相通之始未不可得而見矣逾于洛至于南河蘇氏曰江無達河之道舍舟行陸以達于洛故曰逾于洛自洛則達于河矣河在冀州之南故曰南河曾氏以為漢與洛不相通故曰逾于洛自洛以至豫州之河故曰至於南河此二說皆相合然而蘇氏謂自江而逾洛曾氏謂自漢而逾洛此蓋為差異然而以文勢考之當從曾氏之說

尚書全解

尚書說

荆州北界荆山南踰衡山尚書家謂之南條荆山揚紀陽鳥荆界至衡陽今衡岳南峰為迴鴈峰其號名猶有然歟貢道獨言沱潛則不及東境獨言江漢則

不及西境故兼稱之荆州初水運泝江漢而上乃舍舟陸運出汝葉至洛陽西逾洛不復渡河至孟津而止故曰至于南河不復冒底柱之險也東南貢道入河者皆不過底柱

尚書說

爾雅曰水自江出為沱自漢出為潛江漢源發梁州流經荆州故梁荆皆有沱潛此則荆州江漢之出者也江沱潛漢其水道出入不可詳大勢則自江沱而入潛漢也程氏曰不徑浮江漢兼浮沱潛者隨其貢物所出之便或由經流或循支派也

書案言

漢志云周改禹徐梁二州合之於雍青顏注謂省徐以入青併梁以合雍諸儒皆從其說而林少穎獨疑

之曰職方氏於青州其山鎮曰沂山其川淮泗其浸沂沐則徐合於青無足疑者若夫雍州其山鎮曰嶽山其澤藪曰弦蒲其川涇汭其浸渭洛梁州之山川無一存者果何所據而謂梁合于雍乎荆州其川江漢據江漢之水發源于梁由荆而東至揚然後入於海今以江漢為荆之川則禹貢之梁州其無合于職方氏之荆州乎按林氏此言發前人所未發 荆州之建國春秋時可考者楚夔聃權邛與邛同州左傳桓十一年州蓼伐楚師杜縣東南今為監利縣地羅貳軫凡九國戰國時屬楚而韓秦亦少得其地秦并天下置南郡黔中長沙南陽東境是漢復置荆州領郡國八後漢魏晉並因之晉領郡十九唐為山南東道

之江陵荆竟陵復富水郢齊安黃漢陽沔夷陵峽巴東歸等郡

江南西道之江夏郢巴陵岳長沙潭衡陽衡零陵永江華道

桂陽郴邵陽邵武陵朗澧陽澧等郡黔中道之黔中黔寧夷思

涪川費盧溪辰盧陽錦靈溪溪潭陽巫清江施播川播夜郎珍

義泉夷龍標業漆溪漆等郡又淮南道之安陸安義陽申

及嶺南道之連山連等郡按以上通典所列連山郡當

出隸古南越騎田嶺北為桂陽嶺南為連山連山亦古南越地不當入荆域黔中寧夷涪川播

川夜郎義泉漆溪七郡皆梁南徼外蠻夷非古黔中

地不在九州之限

元和志云黔州本漢涪陵縣理晉永嘉後地沒蠻夷以地內附因置奉州建德三年改為黔州大業三年又改為黔安郡因周隋州郡之名遂與秦漢黔中地大牙難辨其秦黔中郡所理在今辰州西二十里黔中故郡城是漢改黔中為武陵郡移理義陵即今辰州叙浦縣是後魏移治陵沅即今州是今辰錦叙獎溪澧朗施等州實秦漢黔中之地而今黔中及夷費

思播隔越峻嶺東有沅江水及諸溪並合東注洞庭湖西有延江水一名涪陵江自牂牁北歷播費思黔等州北注岷江以山川言之巴郡之涪陵與黔中故地炳然分矣然則此五州及珍臻二州皆梁南徼外蠻夷今叙瀘重慶之江南諸縣及遵義府是也其東有峻嶺為限荆不當越此而西斗入六七百里總因黔中名亂嶺東嶺西諸州混而為一道杜氏遂有此誤叙州即巫州夔州即業州也

又有當來屬者豫域襄陽之南漳漢東之光化及南越始安郡全義縣嶺北之

地是也全義今為興安縣屬廣西桂林府文獻通考云自荔浦以北為楚以

南為越今靜江有中州清淑之氣荔浦相距纔百餘里遂入瘴鄉是天所以限楚越也此蓋就當時風氣言之近志遂以桂林平樂二府為禹貢荆州之域恐未必然杜氏以始安平樂屬古南越為是唯全義縣嶺北之地當入荆以今輿地言之湖廣武昌漢陽安陸荊州岳州長沙

衡州常德辰州寶慶永州十一府郴靖二州施州衛其襄陽府則唯南漳縣德安府則安陸雲夢孝感應城應山及隨州之南境廢光化縣地黃州府則黃岡麻城黃陂黃安四川則夔州府之建始廣西則桂林

府之全州

本漢零陵縣屬零陵郡隋改置湘源縣唐屬永州五代晉改曰清相於縣置全州明省縣入又改屬桂林

及興安

縣嶺北之地

縣在府東北一百二十里越城嶺在縣北三里

皆古荊州域也

荆之

北界判自南漳縣之荆山山在縣西北八十里漳水所出其西為遠安興山北與梁接界荆山之西百餘里為景山水經沮水出漢中房陵縣注云出沮陽縣西北景山即荆山首也故淮南子曰沮出荆山元和志云沮水出房州永清縣西南景山永清本漢房陵縣地也縣南一百一十三里有建鼓馬駿二山並高峻又竹山縣西南三十五里有白馬塞山孟達歎為金城千里蓋皆景山之餘脈矣南漳以東為荆門鍾祥京山元和志大洪山在京山縣西北二百里孤秀為衆山之傑及隨州之南境廢光化縣

地 光化故城在今隨州東南三十餘里唐隨州

有義陽三關 見齊書州郡志義陽唐申州治也 一曰平靖關 元和志云在安州應山

州九十里東至百雁關一百六十 一曰黃峴關 又名百雁關元和志云在應

里申州今汝寧府之信陽州也 山縣北九十里北至申州九

十里東至澧 一曰武陽關 又名澧山關元和志云在應山縣東北

之大隧直轅冥阮也 左傳定四年吳伐楚自淮涉漢楚左司馬成請

還塞大隧直轅冥阮自後擊之大隧即武陽直

轅即黃峴冥阮即平靖也三關又總名曰城口楚史

又東為黃安縣有

大活關白沙關 本唐黃岡麻城黃陂三縣地明嘉靖四十二年析置黃

安縣元和志云大活關在黃州黃陂縣北二百里東北

至光州二百八里西至安州澧山關一百里白沙關西至大

活關六十里在州北二百四十里北至光州界二十五里 又東為麻城

縣有穆陵關陰山關 元和志穆陵關西至白沙關八十里在麻城縣

西至穆陵關一百里在縣東北一百一里北至光州殷城縣二百里按穆陵關

在穆陵山上或曰齊之四履南至穆陵即此也定四年吳楚戰于柏舉亦在縣

界諸關依山為阻與荆山東西準望相直皆荆豫接界

處 荆之南界越衡山之陽大抵及嶺而止史記曰

秦有五嶺之戍晉地理志曰自北徂南入越之道必

由嶺嶠時有五處故曰五嶺據水經志五嶺大庾最

東為第一嶺在揚域餘皆屬荆第二騎田嶺在郴州

南 即黃岑山亦名黃箱山今謂之臘嶺柳水所出高

千餘丈南接廣東陽山縣界北寒南燠氣候頓殊 第三都龐嶺在衡

州府藍山縣南 亦稱都龐嶺即黃巖山龐音龍水經注作都龐

第四 萌渚嶺在永州府江華縣南 亦稱萌渚嶺即古臨賀嶺又名白芒

嶺今名桂嶺高三千餘丈南接廣西

平樂府賀富 第五越城嶺在桂林府興安縣北五嶺之最

西嶺也 亦稱越城嶺 嶺北一百三十里接寶慶府城步縣

界經曰衡陽未知所極然酈氏有言古人云五嶺者

天地以隔內外韓退之曰衡之南八九百里地益高

山益峻水清而益駛其最高而橫絕南北者嶺中州
清淑之氣於是焉窮藉此表界差為近理耳 荆之
東界準揚約略言之蓋自麻城黃岡踰江而南為武
昌縣又西南為通山咸寧崇陽通城又南為瀏陽醴
陵攸縣茶陵又東南為興寧桂東桂陽又西南為宜
章皆與揚分界處也 荆之西界經無可見今據戰
國時巴楚分地約略言之蓋自巴東踰江而南為建
始施州麻陽沅州又東南為黔陽靖州通道以訖於
興安與貴州廣西接界 漢水北距洛水六七百里
欲自漢逾洛則必沂山源而上其惟丹水乎漢志弘
農郡丹水縣下云水出上雒冢領山東至析入鈞師古曰鈞

亦水名按今南陽府內鄉縣西南百二十里有丹水故城南去丹水二百步縣西有浙陽故城本漢析縣也 上雒縣下云禹

貢雒水出冢領山東北至鞏入河今陝西西安府商州治即漢上洛縣也洛南縣亦上洛地鞏縣今屬河南府

水經注丹水出京兆上洛縣西北冢領山商州志秦嶺在州西八十里其地有澗曰息邪澗丹水所出 東南流與清池水合水出東北清池山 又東南

逕其縣南楚水注之水出縣西南楚山昔四皓隱于此 丹水自倉野又東歷

菟和山左傳哀四年楚人謀北方司馬起豐析以臨上洛左師軍於菟和有倉野聚 又東南逕商縣南歷少習出武關應劭曰秦之南關也通南陽郡左傳哀四年楚

左司馬使謂晉陰地大夫曰將通於少習以聽命京相璠曰楚通上洛阨道也漢祖下析郡攻武關文穎曰武關在析縣西一百七十里按今商州東有商洛廢縣即漢商縣也商南山陽鎮安三縣亦商縣地武關在州東一百八十里 又東南流入白口歷其戍

下又東南浙水注之水出析縣西北盧氏縣大嵩山南流逕修陽故城北又東逕析縣故城北春秋之白羽也又歷

其縣東南流至丹水縣注于丹水 又東南逕三戶城又逕丹水縣故城西南

亦水名按今南陽府內鄉縣西南百二十里有丹水故城南去丹水二百步縣西有浙陽故城本漢析縣也

縣有密陽鄉古商密之地楚申息之師所成春秋之三戶也今內鄉縣西南有三戶城又東南流至其縣南水南

崖山頓壁霞舉又南逕南鄉縣故城東北城在今南陽縣西南百里本漢析縣地又東歷

於中之北所謂商於者也張儀說楚絕齊許以商於之地六百里即此裴駟曰有商城在於中故曰商於

杜佑曰今內鄉西七里丹水又南合洧水洧音市若切蓋洧字之誤洧與均同謂之浙口

均水注云均水出盧氏縣熊耳山東南流逕其縣下南逕南鄉縣又南與丹水合又南逕順陽縣西有石山南臨洧水洧水又南流注於洧水謂之洧口按今

南陽府浙川縣東北三十里有順陽故城本漢浙縣之順陽鄉也此注洧亦誤為洧按洧水注云洧水自武當

縣城東城即今襄陽府均州治又東南逕涉都縣東北本筑陽縣之涉都鄉均水於

此入洧謂之均口在今穀城縣界均鈞同或从水作

洧韻會均字下云隋置均州取洧水名之是均即洧

也史承水經之誤曰洧口晉桓温伐秦水軍自襄陽

入洧口至南鄉是也或又曰洧均口齊陳顯達攻魏

馬圈軍入洧均口是也楚通少習漢入武關皆在丹

水之旁而南朝北伐其舟師必由均口而進可見為

南北水陸之孔道商州西北諸山皆秦嶺也冢領亦

秦嶺之別名丹水出其東南洛水出其東北中隔一

嶺陸行當不甚遠禹貢逾洛之道計無便於此者以

今輿地言之浮漢水至穀城縣東北入均口沂丹水

而上經浙川南陽內鄉抵商州導源之處越冢領而

北浮洛水經盧氏永寧宜陽洛陽偃師至鞏縣以達

于南河此荊州之貢道也自漢逾洛之道黃文叔

云舍舟陸運出汝葉金吉甫云自漢入丹河白水河

即踰山路入洛今按陸行出汝葉則必更天息女凡

嵩少輟轅諸山中崎嶇二三百里貢道必不由此丹
河即丹水白水河蓋謂清水是兩道清水出盧氏縣
熊耳山沂此水而上亦可逾于洛然洛水在縣南五
里清源北去縣百五十里宋元嘉中伐魏龐季明柳
元景皆從山谷中度軍出盧氏不聞有水道清洛之
間陸運百五十里殊費民力唯丹水為自楚入秦之
捷徑水多陸少逾洛從此無疑

唐書崔湜建言山南可引丹水
通漕至商州自商纜山出石門

北抵藍田可通輓道以湜充使開大昌關役徒數萬竟不通按此亦用丹水而
欲鑿山為輓道直抵藍田即令其道得通而傷財害民與逾洛之事大不侔矣

或問底柱三門之險古今所同患荊豫及兗青徐
揚與冀之東北境貢入帝都必由南河經底柱將若
之何曰唐裴耀卿於三門東西置倉開山十八里為

陸運以避其險疑禹時亦用此法貢物輕約易齎與
漕穀不同避險從陸而改舟以達平陽無難也然底
柱初析闕流之害除或不若後世之險絕亦未可知

禹貢錐指

荊河惟豫州

浮于洛達于河

禹貢

豫州南荆山北界河貢道由洛入河

書古文訓

此州界南至於荆山荆山之南則荊州也北距河水
河水之北則冀州也豫州去帝都甚近浮舟于洛則
達于河達于河則達于帝都矣

尚書全解

豫州居天下之中四方道理適均湯之亳今河南偃
師成王之洛邑今河南洛陽縣其地北距河南抵荆

山東抵徐西抵雍梁今為河南府號陝鄭汝陳蔡唐
鄧汴宋等州之地 熊禾書說

傳曰西南至荆山北距河水曾氏曰臨沮之荆山其

陰為豫州其陽為荊州渭按荆山已見荊州河南河

也後同其不言南者蒙上至于南河省文而可知也

荆山主南言傳不當兼西亦猶青之岱主南言不當

兼西也 豫州有古太皞祝融之虛及帝嚳成湯所

都虞 舜後即少康所奔 戈邳封葛三駸諸國皆在焉春秋時可考

者管蔡郟曹鄭東號西號凡將祭祀宋焦申許蓼 左傳哀十

七年楚子穀曰武王克州蓼即此一作廖漢志南陽縣故廖國 密隨厲唐戴沈息房 周語內史過曰昭王娶于房後

漢志汝南吳房縣故房國楚靈王所滅 滑郟郟穀鄧賴項頓胡江黃道柏州來

絞蠻陸渾凡四十一國戰國時屬宋魏韓而秦楚亦

兼得其地秦并天下置三川碭郡潁川南陽 東境北境是 南

郡 北境是 漢復置豫州 領郡國五其今河南府陝郡弘農之地則屬司隸陳留濟陰之地則屬兗州 後漢為

司隸 治河陽 豫州 治譙領郡國六 魏因之晉分置司州 領郡十一豫州領郡國十 唐為

都畿之河南府 洛州 陝郡 陝南境 臨汝 汝 滎陽 鄭 等郡河南道之

陳留 汴 睢陽 宋 濟陰 曹 譙郡 毫 潁川 許 淮陽 陳 汝潁 潁汝南豫

等郡山南東道之淮安 唐 南陽 鄧 襄陽 襄 漢東 隨 武當 均

等郡及河東道之弘農郡 號 按以上通典所列濟陰之

乘氏當往屬兗襄陽之南漳漢東之光化當往屬荆

又有當來屬者兗城靈昌之匡城梁域上洛之上津

東境廢長利縣地是也以今輿地言之河南則河南

開封歸德南陽汝寧五府及汝州直隸則大名府之東明長垣山東兗州府之定陶曹縣城武單縣江南則鳳陽府之潁州潁上太和亳州蒙城湖廣則襄陽府之襄陽光化宜城棗陽穀城均州鄖陽府之鄖縣保康及鄖西之東境德安府隨州之北境皆古豫州域也 豫之南界亦判自南漳縣之荆山西起保康歷宜城棗陽及隨州之北境故隨縣地州之南境廢光化縣地入荆城又東為信陽羅山皆與荆接界處 豫北濱冀之南河其西與華陰接界華陰雍域也按職方豫州山鎮曰華山通典云即今華陰郡山連延東出故屬豫州九域志云華山四州之際東北冀東南豫西南梁西北

雍十字分之四隅為四州也豫之北界由華山而東為閿鄉靈寶陝州澠池新安洛陽孟津鞏縣汜水河陰滎陽滎澤又東北為陽武延津皆在南河之南陽武自元

時河從原武決而東南流始為河北地

又東北抵濬縣大伾山冀兗豫三州之

交也 豫東接兗徐揚三州之界自封丘而東為長垣長明又東為考城定陶曹縣城武單縣與兗接界又南為夏邑永城亳州潁州又東為潁上蒙城皆在淮北與徐接界自潁州以西為商城息縣真陽踰淮而南為信陽與揚接界 豫西自閿鄉以南為盧氏鄖縣及鄖西之東境故鄖縣地與雍梁接界豫居中

央為輻輳之地接界者七州唯青為兗徐所隔與豫

不相接云。蔡氏曰：豫之東境徑自入河，豫之西境則浮于洛而後至河也。蔡氏此例諸州畧同，但豫東之水禹時概不通河，先儒以鴻溝為禹跡，故其說如此。然鴻溝禹時實未嘗有，滎川始見於周官濟隧，亦僅見春秋傳，類皆非禹迹。其通河者唯汜水耳。汜水出浮戲山北流，逕虎牢城東而北注于河源，委頗短，鄭地之舟或當由此入河。而宋許陳蔡之郊自南而北，其浮于汝潁不可。鴻溝未開，汝潁皆不與河通。舟行不知從何處入河。今按酈道元云：汝水出魯陽縣之大孟山，其西即盧氏界也。大孟山在今汝州魯陽縣西南七十里，而伊水出河南盧氏縣之巒山一

名閔頓嶺者在縣東南百里，伊汝二源相去甚近，其間必有可逾之地。陸行若干里，浮伊入洛，度亦不多也。然則經過不書逾，曰貢道亦紀其大畧。州境廣遠，間有小小絕水處，若欲書逾，何可勝書？且豫之西境無所逾，不得言逾于伊，浮于洛，故畧而不書。此等當以意會也。禹貢雜指

行水金鑑

卷第九十

運河水

華陽黑水惟梁州

浮干潛逾于沔入于渭亂于河

禹貢

漢上曰沔越沔而北入渭浮東渡河正絕流曰亂

孔氏傳

華山在豫州界內此梁州境東據華山之南不得其山故言陽山之西則雍境也

孔氏疏

梁州北界華山南距黑水黑水今瀘水也酈道元說

黑水亦曰瀘水若水馬湖江出姚州徼外吐番界中

東北至敘州宜賓縣入江

書古文訓 姚州本漢弄棟青蛉遂久三縣地弄棟屬益州部青蛉遂久屬越

嵩郡今為雲南之姚安府宜賓本漢楚道縣屬犍為郡今為四川敘州府治雲南通志姚州有金沙江注云源出吐番為府大川即黑水也四川總志叙州府

有馬湖江在府城南源出沈黎實大渡之支流亦名
蘆水一名金沙江諸葛亮五月渡瀘即此江之上流

孔氏謂東據華山之陽西距黑水謂東據華山之陽者當是跨而越之也此說不然河流導自積石至于龍門南至華陰東至于砥柱是河入華山之陰始折而東也雍州言黑水西河唯雍州黑水之西蓋雍州之境梁州不應跨越華山而至於北也曾氏曰華山之陰為雍州其陽為梁州則梁州之北雍州之南以華為畿而梁實在雍州之南矣此說雖是然其謂梁之北雍之南以華為畿則其說未盡據華山在雍梁之東若謂梁之東北雍之東南以華為畿則得之矣

尚書全解 陝西通志云華山在華陰縣南十里山海經太華之山削成而四方其高五千仞其廣十里鳥獸莫居是山為三峰南曰松檜峰一曰落雁峰李

白登落雁峰嘆曰呼吸之氣可通帝座恨不攜謝朓驚人句來搔首問青天耳
東曰明星玉女峰西曰蓮華峰一曰芙蓉峰其上有太上全真崖避詔崖即陳
搏卧處仰天池八卦池太乙池菖蒲池黑龍潭二十八宿潭明星玉女祠玉女
洗頭盆石馬玉龜仙人掌石日月鐘嶽宮玉井即韓愈詩所稱花開十丈藕如
船者博臺即秦昭王令工施鉤梯處又有石拆為唐明皇投簡處山腹有總仙
洞天洞口有石如丹青画像冠袍衣服無不周備 先儒以浮潛頂因桓是來
只說西傾一路之貢非也浮潛逾河
入渭亂河乃是梁州一州之貢道

西土梁雍皆遠而梁尤遠禹時劍門金牛之道未鑿梁州之通於中州者梯緣蜀道之險而北行遠至漢上而浮潛逾沔然後能入渭亂河以達帝都則其險遠可知 凡漢水分支可以容舟處皆潛也不言浮漢而言浮潛者隨其支流徑便不必至漢乃浮也桑欽敘漢自西樂城以上為沔度水口以下為漢大率漢之支流皆名潛漢之上流皆名沔此潛以達漢也

沔在山南屬梁州渭在山北屬雍州水不可通自沔而北陸行度隴至於渭濱乃用舟順流而不可逾越渭口而遂渡河也文當曰入於沔逾于渭蓋二文互也

書纂言

黑水諸家遵孔傳謂出雍歷梁入南海為二州之西界故其說穿鑿支離不可得通蓋古之若水即禹貢梁州之黑水漢時名瀘水唐以後名金沙江而黑水之名遂隱然古記間有存者地理志滇池縣有黑水祠一也山海經黑水之間有若水二也水經注自朱提音殊至音北爨道有黑水三也輿地志黑水至爨道入江四也今瀘水西連若水南界滇池東經朱提爨道

其為梁州之黑水無疑矣故斷從薛氏以南北易孔傳之東西亦甚明確也 漢志若水出蜀郡旄牛縣

徼外南至大笮入繩今大所南有旄牛故城即漢縣師古曰西南之徼猶北方塞也徼工鈞反 繩水

出越駕郡遂久縣徼外東至爨道入江行千四百里

外東南至故關為若水司馬相如傳曰畧定西南夷邊關益斤西至沫若水又曰關沫若是若水故有關也

山海經曰南海之內黑水之間有木名曰若木若水

出焉若水泂流間關蜀土黃帝長子昌意降居斯水

為諸侯娶蜀山氏女生顓頊於若水之野若水東南

流鮮水注之一名州江大渡漢志鮮水出旄牛徼外南入若水 又南逕越

駕邛都縣西有駕水漢武帝置越駕郡治邛都縣言越此水以章休盛也縣故邛都國越駕水即繩若矣又有溫水冬夏常熱昔

李贖敗李流于温水是也按此温水源流不遠非漢志牂牁封縣下之温水東至廣鬱入鬱者金吉甫謂漢志以瀘為温字從省誤非也邛都唐為高州越

嶺縣今建昌街四川行都司治又南逕大蔞縣入繩繩水出微外山領營四會川鹽井冕山越嶲又南逕會無縣元和志會川縣北山繩水出焉東南流逕髦牛道至大蔞與若水合自下亦通謂之繩水

與孫水合孫水出臺登縣一名白沙江南流逕邛都縣今為會川營地入若水也漢志臺登縣孫水南至會無入若行七百五十里元和志焉州臺登

縣正南微西至州一百七十里念諾水本名繩水流入瀘水在縣西北七百里

自羌戎界流入長江水本名孫水出縣西北胡浪山下今冕山營東北有孫水

繩水南逕雲南郡之遂久縣蜻蛉水入焉縣本屬越嶲漢建興三年分益州永昌置雲南郡以遂久來屬蜻蛉水出蜻蛉縣西東逕其縣下又東注于

又逕三絳縣西三絳一曰小會無又逕姑復縣北對三絳縣

淹水注之淹水出遂久微外東南至蜻蛉縣又東過姑復縣南東入于若水按漢志會無臺登遂久蜻蛉三絳姑復並屬越嶲郡

東與毋血水合漢志益州郡弄棟縣東農山毋血水出北至三絳南入繩行五百一十里毋音無又東北至犍為

水注之漢志牧靡縣南臘淪水所出西北至越嶲入繩過郡二行千二百里靡音麻涂音途

朱提縣西為瀘江水

後漢書建武十九年武威將軍劉尚擊西夷反者棟蠶度瀘水入益州郡注云瀘水一名若水

出旄牛微外經朱提至

朱提山名應劭曰在縣西南以氏焉

犍為屬國也在郡南千八百許里建安二十年立朱

提郡治縣故城

尋廢諸葛亮南征復置自梁陳已來不復實屬隋開置恭州唐改為曲州元和志云曲州南北四百里東西七

百里窮年密霧未嘗觀日月輝光樹木皆衣毛深厚時多水溼晝夜沾洒上無飛鳥下絕走獸唯夏月頗有蝮蛇土人呼為漏天也

郡西南

二百里得所綰堂琅縣西北行上高山羊腸繩屈八十餘里或攀木而升或繩索相牽而上緣陟者若將階天按

後漢志無堂琅蓋省入朱提也劉昭曰朱提縣西南

有堂琅山多毒艸盛夏之月飛鳥過之不能得去

有瀘津東去縣八

十里水廣六七百步深十數丈晉明帝大寧二年李驥等侵越

將軍姚岳擊之戰于堂琅驥軍大

敗追之至瀘水赴水死者千餘人

為高秀孤高三千餘丈

是山晉太康中崩震動郡邑

水之左右馬步之

逕裁通而時有瘴氣三月四月經之必死非此寸猶

令人悶吐五月以後行者差得無害故諸葛亮衣言

五月渡瀘也自朱提至犛道有水步道有黑水羊官

水三津之阻行者苦之又有牛叩頭馬搏頰坂其艱

嶮如此也若水逕越舊之馬湖縣又謂之馬湖江馬湖縣今

為四川之繩水瀘水孫水淹水大渡水隨決入而納通稱

是以諸書錄記羣水或言入若又言注繩亦咸言至

犛道入江華陽國志云犛道治馬湖江會水通越犛正是異水沿注通為一津更

無別川可以當之今按府縣圖志若水在建昌衛俗

名打沖河自冕山營西徼外營故寧番衛在建昌衛東北東南流至衛

西鹽井營東南與雲南金沙江合營在衛西元和志雋州昆明縣東北至州三百里本漢定

犛縣也出鹽鐵夷皆用之漢將張巖殺其豪率遂獲鹽鐵之利鹽井在縣城中取鹽先積柴燒之以水洗上即成黑鹽凡言犛者夷人於大江水上置藤橋謂

之犛其定犛大犛皆是近水置犛橋處犛與犛同

金沙江源出吐蕃界至共龍山犛牛

石下南流漸廣本名犛水後訛為麗水東南流經麗

江府北又東經姚安府北即鹽井衛東南合打沖河又東合瀘

水又東經會川營南通典會川縣有瀘水五月渡瀘即此元和志雋州南至瀘渡四百五十里又東至

東川府西折而東北經烏蒙府西北又東北經馬湖

府南又東經敘州府南而北入大江雲南無水路行者以為艱唯由蜀浮金沙江可

以直達南中明正統嘉靖隆慶時屢議開通而不果行至天啓時安酋倡亂貴

陽道阻復議開通按察使莊祖誥議云自金沙江巡檢司開由白馬口歷普隆

紅巖石刺鮮至廣翅塘皆祿勸州地其下有灘水溢沒石乃可放舟涸則躋

岸纜空舟以行又歷直勒村罵刺土色皆會禮州地其下有雞心石石如堆者

三壘壘江中舟者相水勢緩急可行又歷踏照亂得頭峽刺鮮至粉壁灘甚駭

皆東川地又歷驛馬河新灘至虎跳灘陰溝洞皆巧家地虎跳端瀉陡石不可

容舟陰溝二山顏集水行山腹中皆從陸過灘易舟而下又歷大小流灘為蠻

夷司地又歷黃郎木鋪貴溪寨業灘至南江口為烏蒙府地始安流自廣翅塘

至南江木商行之可十日又至文溪鐵索江邊數灘歷麻柳灣教化壩為馬湖

府地又歷洩灘蓮花三灘會溪石角灘至敘州府其說甚詳晰然是時以運將

終救敗不暇徒
託諸空言而已
鹽井營東南蓋即漢大祚縣界繩若石流
處若為建昌衛西之打沖河繩則姚安府北之金沙
江也此水禹無所致力不用循行故所導唯雍州之
黑水 瀘本作盧如盧弓盧矢盧橘之類皆訓黑劉
熙釋名土黑曰盧沈括筆談云夷人謂黑為盧漢中
山盧奴縣有盧水酈道元云水黑曰盧不流曰奴尤
盧水為黑水之切證也牧誓八國有盧人疑即居盧
水上者其字後加水作瀘章懷太子注後漢書云瀘
水一名若水則瀘若似非異源而酈元引益州記曰
瀘水源出曲羅舊下三百里曰瀘水兩峰有殺氣暑
月舊不行故武侯以夏渡為艱瀘水又下合諸水而

總其目焉故有瀘江之名矣據此則瀘水自出曲羅
舊其地當在若水之東下流合若水故若水兼瀘水
之目所謂隨決入而納通稱者也元和志云雋州西
瀘縣東北至州二十七里本漢邛都縣地瀘水在縣
西一百十二里水峻急而多石土人以牛皮作船而
渡一船勝七八人蓋即曲羅舊出之瀘水也考其源
流不出漢越雋犍為二郡界而杜氏通典云吐蕃有
可跋海去赤嶺百里方圓七十里東南流入西洱河
合流而東號漾濞水又東南出會川為瀘水瀘水即
黑水也程大昌金履祥之說皆出於此漾濞水見唐
書在今大理府西百里西洱河即葉榆河也出入理

鄧川州點蒼山匯爲巨湖周三百里亦曰西洱海今按水經注葉榆河出益州郡葉榆縣縣東有葉榆澤葉榆水之所鍾也其水自縣南枝分東北流逕遂久縣東姑復縣西與淹水合淹水雖合繩若入蜀江而葉榆初無黑水之名也何以知爲黑水之源其經流則自邪龍縣東南流逕滇池縣南又東與盤江合又東南至交趾糜泠縣入海此與會川相去懸絕並不合繩若入蜀江安得謂樣凜水東南出會川爲瀘水即滇池縣北所祠之黑水哉杜說非是又按水經注永昌郡有蘭倉水出博南縣漢武帝時通博南山道渡蘭倉津土地絕遠行者苦之歌曰漢德廣開不賓

度博南越倉津其水東北流逕不偉縣與類水合又東與禁水合又北注瀘津水然則此蘭倉水仍東北合瀘水入蜀江也若今之所謂闌滄江元人指以爲禹貢之黑水者則東南流至交趾入海與梁州絕無交涉影響附會之談殊不足信 漢志滇池澤在滇池縣西北有黑水祠後漢志縣北有黑水祠或以爲武帝開置益州郡始立之非也使帝知郡界有黑水而立此祠則班史必知其所在而能言之矣竊謂此祠蓋彼中相承已久黑水即金沙江東經會無縣南南直滇池縣縣故滇王國於其北立祠祭之宜矣自周衰以迄漢初聲教阻絕故尚書家莫能言梁州黑

水之所在千載而下尚賴有此祠可以推測而行之
語云天子失官學在四夷又云禮失而求之野此亦
其一端也 杜佑以漾濞水經會川縣者為黑水樊
綽以麗水合瀾諾江者為黑水程大昌以西洱河貫
葉榆澤者為黑水元人則以闡滄江至交趾入海者
為黑水而明李元陽引張立道之事以為證此皆轉
相附會以求合於入南海之文非實有所驗也 以是
為雍界之黑水吾不敢知如謂梁界之黑水亦即斯
川則梁州奄有雲南極於交趾以一州而兼數州之
地何至若是之廣遠此可以理斷之而信其必不然
者也 梁州之黑水自繩若而外又有五黑水焉漢

志符黑水出犍為南廣縣汾關山北至犍道入江一

也 符黑水者符縣之黑
水也一名南廣水

水經注黑水出漢中南鄭縣北山南

流入漢諸葛亮牋云朝發南鄭暮宿黑水二也又黑

水出羌中西南入白水通典扶州尚安縣有黑水元

和志云出縣西北素嶺山三也 在今陝西文縣近志疊溪營城

西北有黑水即古翼水源出黑水生番東南經茂州

至安縣入于羅江四也又崇慶州西北有黑水入江

元大一統志云源出常樂山溪石皆黑五也此皆水

之小小者非禹貢之黑水也杜氏云顧野王撰輿地

志言黑水至犍道入江與禹貢不合蓋謂其不入南

海是為異耳而薛士龍以為野王指符黑水言一今

顧書不傳未知然否按南廣水在敘州府城東一餘里出西南夷呂部蠻部自豕蛾夷圍過慶符縣東北至南廣洞入江源短而流狹野王之所指豈謂是與韓汝節謂梁州別自有黑水千古卓識而乃以疊溪黑水當之將以界南北乎抑以界東西乎吾不意韓氏復舛謬至此也 梁州有古蜀山氏蠶叢氏之國又廟諱蠶昌意所封及牧誓所稱庸蜀羌髳微盧彭濮諸國皆在焉春秋時可考者庸巴濮麋褒凡五國戰國時屬秦而楚亦兼得其地秦并天下置漢中巴郡蜀郡隴西南境內史南境漢改置益州領郡八漢志云改梁曰益魏分置梁州晉初因之益梁二州並領郡八後又分益州南境置寧州領郡四唐為

山南西道之漢中梁州洋川洋通川通潯山渠南平渝清化巴始寧壁咸安蓬符陽集巴川合河池鳳順政興益昌利等郡山南東道之房陵房南賓忠南浦萬雲安夔等郡劔南道之蜀郡益唐安蜀濛陽彭德陽漢通義眉梓潼梓巴西綿普安劔閬中閬資陽資臨邛邛通化茂交川松越嶲雋南溪戎遂寧遂仁壽陵犍為嘉廬山雅瀘川瀘陽安簡安岳普江源當陰平文同昌扶油江龍臨翼翼歸誠悉靜川靜蓬山柘恭化恭維川維雲山奉和義榮盛山開南充果洪源黎雲南姚等郡又京畿之上洛商安康金隴右道之武都武同谷成懷道宕合川疊黔中道之涪陵涪南川南等郡按以上通典所列雲南涪陵南川三郡乃梁南徼外蠻夷不在九川之

限其雲安之建始縣當往屬荆上洛之上津東境廢
長利縣地當往屬豫而黔中寧夷涪川播川夜郎義
泉溱溪七郡列在荆域者雖附近蜀江之南亦係徼
外蠻夷不在九州之限以今輿地言之陝西漢中府
興安州及西安府之商州洛南山陽鎮安商南鞏昌
府之鳳縣兩當徽州成縣階州文縣湖廣鄖陽府之
房縣竹山竹溪及鄖西縣之西境四川則成都保寧
順慶龍安馬湖五府潼川嘉定邛眉雅五州及敘州
瀘州重慶夔州之江北諸州縣松潘衛疊溪營天全
六番招討司黎大所建昌衛皆古梁州域也其遵義
府永寧衛及東川烏蒙鎮雄故烏三府並在瀘水之外

雲南郡唐於昆明之弄棟川置即今姚安府其非梁
域又不待言矣 梁北自洛南商州鎮安並屬西以西
為洋縣城固褒城鳳縣並屬漢兩當徽州成縣並屬鞏及
唐宕疊二州之地北與今岷州洮州二又西為西傾山南唐
松州徼外羈縻之地貞觀二年於松州置都督府督羈縻二十皆與
雍接界其間大山長谷遠者或數百里終南山東連
二華竦峙長安之南有子午道直達漢中岡巒綿亘
歷盤屋音周至武功郿縣為太一山亦名太白山駱谷
斜谷之口皆當其地又西過寶雞訖於隴首山之深
處高而長大者曰秦嶺西京記云長安正南山名秦
嶺東起商洛西盡汧隴東西八百里是也關中以此

為南山洪中指此為北山斯實雍梁之大限矣負雞
西南為鳳縣即漢故道縣屬武都郡縣東北大散嶺與寶雞乃界嶺
上有大散關當秦隴之會扼南北之交雍梁有事在
所必爭又西為徽州州東南有鐵山懸崖萬仞劉子
羽曰蜀口有鐵山棧道之隘是也州西有木皮嶺甚
高險唐黃巢之亂王鐸置關於此以遮秦隴又西為
成縣縣有鷲峽羊頭峽龍門戍皆在仇池山北北兵
攻仇池必由此入又西為洮州衛之西傾山山東北
去衛四百餘里屬雍州其南則屬梁州所謂西傾因
桓是來者也以上諸山皆隴蜀之阨塞西傾與華陽
東西準望相直曾彥和云梁北雍南以華為畿不兼

言東最得經旨而林少穎以為華山在梁雍之東當
云梁之東北雍之東南以華為畿夫兼言東則不足
以該其西是謂欲密而反疎林氏蓋習聞西南距岱
之說而不知其非故有此論 梁東自洛南商南以
南二縣並屬西安府為鄭西之西境故上津縣地上津唐屬商州其故城在今鄭西縣西北一百十里
又南為房縣鄭西房縣並屬鄭陽府與豫接界又南為竹山縣屬鄭陽府又
南為巫山縣屬夔州府與荆接界 梁南自宜賓以西至會
川諸州縣凡在瀘水馬湖江之北者皆梁域宜賓以
東至巫山諸州縣凡在大江之北者皆梁域蓋大江
既合瀘水亦得互受通稱故隋改江陽縣曰溫川置
瀘州治焉其縣南大江寰宇記謂之瀘江瀘水即黑

水則梁之南鄙亦當以此水表界也或曰梁州之水莫大於江經蜀不界以江曰江自岷山導源大勢皆南行至敘州始折而東苟界以江則江右之地悉遺之域外矣故言黑水可以見左界而言江則不可以該右界也 梁西自西傾山歷唐羈縻州以南為當州奉州柘州又西南為始陽鎮又南為雅州黎州又西南為雋州皆與蠻夷接界今松潘衛威州天全六番招討司雅州黎大所及越雋冕山營之北境鹽井營之西境是也唐當州在今松潘衛西南三百里州治通軌縣隋志縣有甘松山元和志云甘松嶺在嘉誠縣西南十五里唐開元十九年吐蕃請互市於甘松宰相裴光庭曰甘松嶺

中國之阻不如許赤嶺即此也

赤嶺在今陝西西寧衛界

奉柘二州在

今疊溪威州之西奉州西七十里有的一作博嶺韋臯

嘗分兵出此圍維州柘州西北百里有大雪山一名

蓬婆山杜甫詩已收滴博雲間戍欲奪蓬婆雪外城

是蓬婆又在滴博之西也威州北有高碛山

山上有薛城廢縣唐維州

治亦曰姜維城邊略云自松達茂不三百里夷碛碁布山巖如

蜂房宋史有碛門元有碛門宣撫司即今天全六番

招討司也蓋夷碛起自松州訖於始陽故謂之碛門

矣

廣韻無碛字不知其音今按後漢書冉駹夷皆依山居累石為室高者至十餘丈為邛籠注云今彼土夷人呼為彫也蓋碛一作彫後改从石作碛耳音

唐雅州治嚴道縣領羈縻吐蕃四十八州黎

州治漢源縣管羈縻州五十七並蠻夷部落寰宇記

云雅州三去大渡河五日程羌蠻混雜連山接邛鳥
路空不知其數黎州西至廓清縣一百八十里其
城西臨大渡河河西則生羌蠻界高山萬重更無郡
縣今黎大所北有邛來山九折坂後漢永平中白狼
槃木唐叢等百餘國舉種奉貢越山坂緹負而至皆
旄牛徽外蠻夷也雋州即今建昌衛通典云南至姚
州界五百六十里西至磨迷生蠻六百六十里昔司
馬相如略定西南夷關沫若微牂柯鏤靈山橋孫水
蓋皆在此地矣 水經注以褒斜二水為自沔入渭
之道曰歷漢川至南鄭屬於褒水遡褒暨衙嶺之南
溪水支灌於斜川屈武功而北達於渭水道相貫與

經文符合而考諸漢史則猶有可疑者河渠書云武
帝時有上書欲通褒斜道及漕事下御史大夫張湯
湯問之言抵蜀從故道縣屬武都郡即今
漢中府之鳳縣也故道多阪回遠今

穿褒斜道少阪近四百里而褒水通沔斜水通渭皆
可以行船漕漕從南陽上沔入褒褒絕水至斜間百
餘里以車轉從斜下渭如此漢中穀可致而山東從
沔無限便於底柱之漕上以為然拜湯子卬為漢中
守發數萬人作褒斜道五百餘里道果便近而水多
湍石不可漕溝洫
志同蘇氏據此以說經曰沔無一渭之道
漢人所言褒斜則其道也然褒斜之間絕水口餘里
故曰逾一沔蓋禹時通謂褒為沔也傳同叔為一辨

行水金鑑卷九十一
曰據唐孔氏言越沔陸行而北入渭則是以漢而即
沔自浮潛至沔即舍舟陸行而北入渭也然經言浮
于潛逾于沔則是自潛逾沔非謂自沔逾也若以
逾于沔為逾于渭則以逾于洛為逾于河可乎蘇氏
求褒斜之道得之矣然亦以漢為即沔以為時通謂
褒為沔而說逾字與潁達無異吾固質之經而莫敢
信也渭按褒斜之間絕水百餘里則渭不言逾而言
入誠有可疑即通謂褒為沔亦無解於百餘里之阻
隔傅同叔云上文既言逾沔可以該下而省文此說
亦未當褒斜之間若更有一逾安得以逾沔該之愚
竊謂褒斜二水禹時必有相通之道如水經注所云

衙嶺之南溪水支灌於斜川者及夏殷之際梁俗變
為蠻夷貢職不修貢道遂廢周武王牧野之師八國
雖嘗來會其後巴蜀恃險復不與中國通逾沔入渭
之道其誰知之嘗觀江河之支流日久亦多墮塞如
夷水首受魚復江戰國時巴楚相攻舟師常出此路
洎乎隋唐遂成斷港汴水引河為轉運之通渠宋南
渡後廢而不用日就淺澀今水道斷續幾不可問而
况深山窮谷之中溪流一線裁得通舟自禹至漢多
歷年所豈能長存而不變褒斜二水相通之道禹時
自有漢時自無不得據漢史而疑聖經亦不
注而疑矣史也禹貢錐指

卷第九

The image shows a large rectangular frame on the right page of an open book. The frame is defined by a double-line border and contains several vertical lines, creating a grid-like structure. The paper is aged and shows signs of wear, including tears and discoloration. The left page is blank.

